


通志

一百十四

五	十	十五	二十	二十五	三十	三十五	四十	四十五	五十
五	十	十五	二十	二十五	三十	三十五	四十	四十五	五十
五	十	十五	二十	二十五	三十	三十五	四十	四十五	五十
五	十	十五	二十	二十五	三十	三十五	四十	四十五	五十
五	十	十五	二十	二十五	三十	三十五	四十	四十五	五十
五	十	十五	二十	二十五	三十	三十五	四十	四十五	五十
五	十	十五	二十	二十五	三十	三十五	四十	四十五	五十
五	十	十五	二十	二十五	三十	三十五	四十	四十五	五十
五	十	十五	二十	二十五	三十	三十五	四十	四十五	五十
五	十	十五	二十	二十五	三十	三十五	四十	四十五	五十



載記卷第五

通志一百九十

後秦

姚弋仲

襄

襄

興

泓

尹緯

後蜀

李特

流

庠

雄

玘

期

道志載前本第廿五

壽

執

後涼

呂光

纂

隆

後秦

通志一百九十

後秦

姚弋仲南安亦亭羌人也其先有虞氏之苗裔禹封舜
少子于西戎世爲羌酋其後燒當雄於洮罕之間七世
孫填虞漢中元末寇擾西州爲楊虛侯馬武所敗徙出
塞虞九世孫遷鄯率種人內附漢朝嘉之假冠軍將軍
西羌校尉歸順王廼之于南安之赤亭鄯玄孫柯迴爲
魏鎮西將軍綏戎校尉西羌都督迴生弋仲少英毅不
營產業唯以收恤爲務衆皆畏而親之永嘉之亂東徙
榆眉戎夏繼負隨之者數萬自以行護西羌校尉雍州刺

大二百五十九

通志卷記第五

二 王素老

史扶風公劉曜之平陳安也以弋仲爲平西將軍封平
襄公邑之于龍上及石虎尅上邽弋仲說之曰明公握
兵十萬功高一時正是行權立策之日龍上多憂秦風
猛勁道隆後服道滂先叛且徙隴上豪彊虛其心腹以
實畿甸虎納之啓勸以弋仲行安西將軍六夷左都督
後晉豫州刺史祖約奔于勸勸禮待之弋仲上疏曰祖
約殘賊晉朝逼殺太后不忠於主而陛下寵之臣恐姦
亂之萌此其始矣勒善之後竟誅約勸既死虎執權思
弋仲之言遂徙秦雍豪傑于關東弋仲率部衆數萬遷

于清河拜奮武將軍西羌大都督封襄平侯公及虎終
石弘自立弋仲稱疾不賀虎怒召之乃赴正色謂虎曰
奈何把臂受託而返奪之乎虎憚其疆正而不之責遷
持節十郡六夷大都督冠軍大將軍性清儉鯁直不脩
威儀屢獻讜言無所迴避虎甚重之朝之大議靡不參
決公卿亦憚而推下之武城左尉虎寵姬之弟也曾擾
其部弋仲執尉數以道脅之狀命左右斬之尉叩頭流
血左右諫乃止其剛直不回皆此類也虎末梁犢敗李
農於滎陽虎大懼馳召弋仲弋仲率其部衆八千餘人
屯于南郊輕騎至鄴時虎病不時見弋仲引入領軍省
賜其所食之食弋仲怒不食曰可令我擊賊豈來覓食邪
我不知上存亡若一見雖死無恨左右言之乃引見弋
仲數虎曰兒死來愁邪乃至子疾兒小時不能使好人
輔相至今相殺兒自有過責其下人太甚故反耳汝病
久所立兒小若不差天下必亂當宜憂此不煩憂賊也
犢等因思歸之心共爲姦盜所行殘賊此成擒耳老羌
請効死前鋒使一舉而了弋仲性狷直俗無尊卑皆汝
之虎怒而不責於坐獲

鑑馬弋仲曰汝看老羌堪破賊以不於是賈錚跨馬于
庭中策馬南馳不辭而出遂滅梁犢以功加劔履上殿
入朝不趨進封西平郡公冉閔之亂弋仲率衆討閔次
于混橋石祗僭號于襄國以弋仲為右丞相待以殊禮
祗與閔相攻弋仲遣其子襄救祗戒襄曰汝才十倍於
閔若不梟擒不須復見我也襄擊閔於常廬澤大破之
而歸弋仲怒襄之不擒閔也杖之一百弋仲部曲馬何
羅博學有文才張豺之輔石世也背弋仲歸豺豺以為
尚書郎豺敗復歸咸勸殺之弋仲曰今正是招才納音
之日當收其力用不足害也以為參軍其寬恕如此弋
仲有子四十二人常戒諸子曰吾本以晉室大亂石氏
待吾厚故欲討其賊以報其德今石氏已滅中原無
主自古以來未有戎狄作天子者我死汝便歸晉當竭
盡臣節無為不義之事乃遣使請降永和七年拜弋仲
使持節六夷大都督都督江淮諸軍事車騎大將軍儀
同三司大單于封高陵郡公八年卒時年七十三子襄
之入關也為符生所敗弋仲之柩為生所得生以王禮
葬之于天水襄葬襄位追謚曰景元皇帝廟號始祖

墓曰高陵置園邑五百家

襄字景國弋仲之第五子也年十七身長八尺五寸一
垂過膝雄武多才藝明察善撫納士衆愛敬之咸稱
嗣弋仲弗許百姓固請者日有千數乃授之以兵
僭號以襄爲使持節驃騎將軍護烏丸校尉豫州刺史
新昌公晉遣使拜襄持節平北將軍并州刺史即立
公弋仲死襄秘不發喪率戶六萬南攻陽平元城發
皆破之殺掠二千餘家屯于碣磔津以太原王亮爲長
史天水尹赤爲司馬略陽伏子成爲左部帥南安欽

爲右部帥略陽王黑鄴爲前部帥強白爲後部帥太宗
薛讚略陽權翼爲參軍南至滎陽始發喪行服與高昌
李歷戰于麻田馬中流矢死賴其弟萇以免晉處襄于
譙城遣五弟爲任單騎度淮見豫州刺史謝尚于壽春
尚命去仗衛幅巾以待之一面交欵便若平生襄少有
高名雄武冠世好學博通雅善談論英濟之稱著于南
夏中軍將軍揚州刺史殷浩憚其威名乃囚襄諸弟頻
遣刺客殺襄刺客皆推誠告實襄待之如舊浩遣將
軍魏憬率五千餘人襲襄襄以斬憬而升其衆浩愈

之乃使將軍劉啓守譙遷襄于梁國蕭瑒表授梁國內
史襄遣權翼詣浩浩曰姚平北每舉勳自由且所望也
翼曰將軍輕納姦言自生疑貳愚謂猜嫌之由不在於
彼浩曰姚君縱放小人盜竊吾馬王臣之體固若是乎
翼曰將軍謂姚平北以威武自彊終爲難保校兵練衆
將懲不恪取焉者欲以自衛耳浩曰何至是也浩浩
乃討襄襄逆擊破之浩甚怒會聞關中有變浩率衆六
伐襄乃要擊浩於山桑大敗之斬獲萬計取其資貨伏
兄益守山桑壘復如淮南浩遣劉啓王彬之伐山桑
自淮南擊滅之鼓行濟淮屯于盱眙招掠流人衆至七
萬分置守宰勸課農桑遣使建鄴罪狀殷浩并自陳請
流人郭敵等千餘人執晉堂邑內史劉仕降于襄朝廷
大震以吏部尚書周閔爲中軍將軍緣江備守襄將佐
部衆皆北人咸勸襄北還襄方軌北引自稱大將軍大
單于進攻外黃爲晉邊將所敗襄收散卒而勤撫恤之
於是復振乃據許昌將如河東以圍關右自許遂攻以
陽踰月不討其長史王亮諫襄曰公英略蓋天下士血
心効力今不可損威勞衆守此孤城宜還河北以弘

略襄曰洛陽雖小山河四塞之固亦是用武之地吾欲
先據洛陽然後開建大業俄而亮卒襄哭之甚慟曰天
將不欲成吾事乎王亮捨我去也晉征西大將軍桓溫
自江陵伐襄戰于伊水北為溫所敗率麾下數千騎奔
于北山其夜百姓棄妻子隨襄者五千餘人屯據陽鄉
赴者又四千餘戶襄前後敗喪數矣衆知襄所在輒扶
老攜幼奔馳而赴之時或傳襄創重不濟溫軍所得士
女莫不北望揮涕其得物情如此先是弘農楊亮歸襄
襄待以客禮後奔桓溫溫問襄於亮亮曰神明器宇孫

策之儔而雄武過之其見重如是襄尋徙北屈將圖關
中進屯杏城遣其從兄輔國姚蘭略地鄜城使其兄益
及將軍王欽盧招集北地戎夏歸附者五萬餘戶苻生
遣其將苻飛拒戰蘭敗為飛所執襄率衆西引生又遣
苻堅鄧羌等要之襄將戰沙門智通固諫襄宜厲兵收
衆更思後舉襄曰二雄不俱立冀天不棄德以濟黎元
吾計決矣會羌師來逼襄怒遂長驅而進戰于三原襄
敗為堅所殺時年二十七是歲晉升平元年也苻生以
公禮葬之苕僭號追謚魏武王封襄孫延定為東城侯

萇字景茂，仲第二十四子也。少聰哲，多權略。廓落任率，不脩行業。諸兄皆奇之，隨襄征伐，每參大謀。襄之寇洛陽也，夢萇服衮衣升御座，諸酋長皆侍立，旦謂將佐曰：「吾夢如此，此兒志度不恒，或能大起。吾族襄之敗于麻田也，馬中流矢死，萇下馬以授襄。襄曰：『汝何以自免？』」萇曰：「但令兄濟。」暨子安敢害萇，會救至，俱免。及襄死，萇率諸弟降于苻生。苻堅以萇為揚武將軍，歷左衛將軍、隴東、汲郡、河東、武都、武威、巴西、扶風太守，寧幽、兗三山刺史。復為揚武將軍、步兵校尉，封益都侯。為堅將，累立

大功。初，萇隨楊安伐蜀，嘗晝寢水旁，上有神光煥然，左右咸異之。及苻堅寇晉，以萇為龍驤將軍，督益、梁州軍事。謂萇曰：「朕本以龍驤建業，龍驤之號，未嘗假人。今特以相授，山南之事，一以委卿。」堅左將軍竇衝進曰：「王者無戲言，此將不祥之徵也。」惟陛下察之。堅默然。堅既敗于淮南，歸長安，慕容泓起兵叛。堅遣子叡討之，以萇為司馬，為泓所敗，叡死之。萇遣龍驤長史趙都詣堅謝罪。堅怒殺之。萇懼，奔于渭北，遂如馬牧。西州豪族尹詳、趙曜、王欽、盧牛、雙、狄、廣、張、乾等率眾五萬餘家咸推

葺爲盟主葺將踵之天水尹緯說葺曰今百六之數既
臻秦亡之兆已見以將軍威靈命世必能匡濟時艱故
豪桀驅馳咸同推仰明公宜降心從議以副羣望不可
坐觀沈溺而不拯救之葺乃從緯謀以太元九年自稱
大將軍大單于萬年秦王大赦境內年號白雀稱制行
事以天水尹詳南安龐演爲左右長史南安姚晃尹緯
爲左右司馬天水狄伯文焦虔梁希龐魏任謙爲從事
中郎姜訓關遵爲掾屬士據焦世將秀尹延辛牛雙張
乾爲參軍王欽盧姚方城王破虜楊難尹嵩裴騎趙曜

狄廣党剛等爲帥時慕容冲與苻堅相攻衆甚盛葺將
西上恐冲遏之乃遣使通和以子崇爲質於冲進屯北
地厲兵積粟以觀時變苻堅先徙晉人李詳等數千戶
于敷陸至是降于葺北地新平安定羌胡降者十餘萬
戶堅率諸將攻之不能剋葺聞慕容冲攻長安議進趨
之計羣下咸曰宜先據咸陽以制天下葺曰燕因懷舊
之士而起兵若功成事捷咸有東歸之思安能久固秦
川吾欲移兵嶺北廣收資實須秦弊燕迴然後垂拱取
之兵不血刃坐定天下此卞莊卅二之義也堅寧

軍宋方率騎三千從雲中將赴長安長自貳縣要破之
方單馬奔免其司馬田晃率衆降長長遣諸將攻新平
尅之因略地至安定嶺北諸城盡降之時苻堅爲慕容
沖所逼走入五將山沖入長安堅司隸校尉權翼尚書
趙遷大鴻臚皇甫覆光祿大夫薛讚扶風太守段鏗等
文武數百人奔于萇萇遣驍騎將軍吳忠率騎圍堅萇
如新平俄而忠執堅送之慕容沖遣其車騎大將軍高
蓋率衆五萬來伐戰于新平南大破之蓋率麾下數千
人來降拜散騎常侍沖旣率衆東下長安空虛盧水郝

奴稱帝于長安渭北盡應之扶風王麟有衆數千堡據
焉崑奴遣弟多攻麟萇伐麟破之麟走漢中執多而進
攻奴降之以太元十一年萇僭即皇帝位于長安大赦
改元曰建初國號大秦改長安曰常安立妻虵氏爲皇
后子興爲皇太子置百官自謂以火德承苻氏木行服
色如漢氏承周故事徙安定五千餘戶于長安以弟征
虜緒爲司隸校尉鎮長安萇如安定擊平涼胡金熙鮮
卑沒弈于大破之遂如秦州與苻堅秦州刺史王統相
持天水屠各略陽羌胡應萇者二萬餘戶統懼乃降因

饗將士于上邽南安人古成說進曰臣州人殷地險塢傑如林用武之國也王秦州不能收拔賢才三分鼎足而坐玩珠玉以至于此陛下宜赦秦州金帛以施六軍旌賢表善以副鄙州之望善善之擢為尚書郎拜弟碩德都督隴右諸軍事征西將軍去州刺史領護東羌校尉鎮上邽善還安定脩德政布直化省非急之費以救時弊閭閻之士有豪介之善者比顯異之善復如秦州為苻登所敗語在登傳以其太乙興鎮長安而與登相距登馮翊太守蘭續與苻師奴誅貳慕容永攻之續遣

使請救善將赴救尚書令姚弋仲僕射尹緯等言於善曰苻登近在瓦亭陛下未宜輕舉善曰登持重少決每失時機聞吾自行正當廣集兵其必不能輕軍深入兩月之間足可克此三豎吾事必成遂師次于渥源師奴率眾來距大戰敗之盡俘其眾又擒蘭續收其士馬善乃掘苻堅尸鞭撻無數裸剥衣裳荐之以棘坎土而埋之慕容永征西將軍王宣率無降善初關西雄桀以苻氏旣終善雄略命世天下之事可一旦而定善旣與苻登相持積年數為登所敗遠咸懷去就之計唯征

齊難冠軍公洛生輔國劉鄩冠威彌姐婆觸龍讓惡地鎮北梁國兒等守忠不貳並留子弟守營供繼軍糧身將精卒隨襄征伐時請營既多故號襄軍為六營大營之號自此始也時天大雪襄下書深自責罰散後宮文綺珍寶以供戎事身食一吐襄不重綵將帥死王事者加秩二等士卒戰沒皆有襄立太學禮先賢之後敦煌索盧曠請刺符登襄曰曠以身殉難將為誰乎曠曰臣死之後深以友人隴西襄遺節託襄遣之事登為登所殺襄以暹為騎部尉登進逼安定請將勸襄決

天三十一

通一不載

十一

二六

戰襄曰與窮寇競勝兵家之下五將以計取之於是留其尚書令姚昱守安定夜襲登曠重于大界昱之請將咸欲因登駭亂擊之襄曰登眾雖亂怒氣猶盛未可輕也遂止襄以安定地狹且逼符登使姚碩德鎮安定徙安定千餘家于陰密遣弟征南靖鎮之立社稷于長安百姓年七十有德行者拜為中大大歲賜牛酒尹緯姚晃謂古成詭曰符登窮寇歷年未晃英雄晃時所在晃廟夷夏皆貳將若之何詭曰主上極晃無方信賞必罰賢能之士咸懷樂推豈慮大業不晃氏賊不滅平晃曰

登窮寇未滅姦雄所在扇合吾等寧無懼乎詵曰三秦
天府之國主上十分已有其八今所在可慮者苻登揚
定雷惡地耳自餘瑣瑣焉足論哉然惡地地狹衆寡不
足爲憂苻登藉烏合大羊偷存假息料其勇智非至尊
之匹霸王之起必有驅除然後尅定大業昔漢魏之興
也皆十有餘年乃能一同於海內五六年間不爲父也
主上神略內明英武外發可謂無敵於天下耳取登有
餘力願布德行仁招賢納士厲兵秣馬以候天機如其
鴻業不成者詵請腰斬以謝明公緯言之於苻苒大悅

賜詵爵關內侯雷惡地率衆降苒拜爲鎮東將軍魏褐
飛自稱大將軍衝天王苒氏胡數萬人攻安北姚當城
於杏城雷惡地應之攻鎮東姚漢得於李潤苒議將討
之羣臣咸曰陛下不憂六十里苻登乃憂六百里褐飛
苒曰登非可卒殄吾城亦非登所能卒圍惡地多智非
常人也南引褐飛東結董成甘言美說以成姦謀若得
杏城李潤惡地據之控制遠近相爲羽翼長安東北非
復吾有於是潛軍赴之苒時衆不滿二千褐飛惡地衆
至數萬氏胡赴之者首尾不絕苒每見一軍至輒有喜

色羣下恠而問之長曰今同惡相濟皆來會集吾得乘勝席卷一舉而覆其巢穴東北無復餘也褐飛等以長兵少盡衆來攻長固壘不戰示之以弱潛遣子崇率騎數百出其不意以乘其後褐飛兵擾亂長遣鎮遠王超平遠譚亮率步騎擊之褐飛衆大潰斬褐飛及首級萬餘惡地請降長待之如初惡地每謂人曰吾自言智勇所施足爲一時之傑按數諸雄如吾之徒皆應跨據一方虎嘯千里遇姚公智力摧屈是吾分也惡地猛毅清肅不可干以非義嶺北諸豪皆敬憚之長命其將當城

於營處一柵孔中蔣樹一根以旌戰功歲餘問之城曰營所至小已廣之矣長曰少來鬪戰無如此快以千六百人破三萬衆國之事業由此尅舉小乃爲奇大何足貴貳城胡曹寅王達獻馬三千匹以寅爲鎮北將軍并州刺史達鎮遠將軍金城太守長性簡率羣下有過或面加罵辱太常權翼言於長曰陛下弘達自任不脩小節駕馭羣雄苞羅僞異棄嫌錄善有高祖之量然輕慢之風所宜除也長曰吾之性也吾於舜之美未有片焉漢祖之短已取其一若不聞讜言安知過也南齊實爲

率七五千來降拜安西將軍萇下書有復私仇者皆誅
之將吏亡滅者各隨所親以立後振給長育之鎮東苟
曜據逆萬堡密引苻登萇與登戰敗於馬頭原收衆復
戰姚碩德謂諸將曰上慎於輕戰每欲以計取之今戰
既失利而更逼賊者必有由也萇聞而謂碩德曰登用
兵遲緩不識虛實今輕兵直進逕據吾東必苟曜豎子
與之連結也事久變成其禍難測所以速戰者欲使豎
子謀之未就好之未深散敗其事耳進戰大敗之登退
屯于郿登將金槌以新平降萇萇輕將數百騎入槌營

羣下諫之萇曰槌既去苻登復欲圖我將安所歸且懷
德初附推款委質吾復以不信待之何以御物乎羣臣
果有異謀槌不從而止萇如陰密攻登勅其太子興曰
苟曜好姦變將爲國害聞吾還北必來見汝汝便執之
苟曜果見興於長安興遣尹緯讓而誅之萇大敗登于
安定東置酒高會諸將咸曰若值魏武王不令此賊至
今陛下將牢太過耳萇笑曰吾不如亡兄有四身長八
尺五寸臂垂過膝人望而畏之一也當十萬之衆與天
下爭衡望麾而進前無橫陣二也溫古知今講論道藝

駁英雄收羅僑異三也董率大衆履險若夷上下咸
允人盡死力四也所以得建立功業策任羣賢者正望
筭略中一片耳羣臣咸稱萬歲長下書令留臺諸鎮各
置學官勿有所廢考試優劣隨才擢叙符登驃騎將軍
沒弈于率戶六千降拜使持節車騎將軍高平公長寢
疾遣姚碩德鎮李潤尹緯守長安召其太子興詣行營
征南姚方城言於興曰今寇賊未滅上復寢疾王統符
胤等皆有部曲終爲人害宜盡除之興於是誅符胤王
統王廣徐成毛盛乃赴召興至長怒曰王統兄弟是吾

州里無他遠志徐成等昔在秦朝並爲名將天下小定
吾方任之奈何輒便誅害令人喪氣長下書兵吏從征
伐之在大營者世世復其家無所豫符登與竇衝相持
長議擊之尹緯言於長曰太子純厚之稱著於遐邇將
領英略未爲遠近所知宜遣太子親行可以漸廣威武
防闕關之原長從之戒興曰賊徒知汝轉近必相驅入
堡聚而掩之無不尅矣比至胡空堡衝圍自解登聞興
向胡空堡引還興因襲平涼大獲而歸咸如長策使興
還鎮長安長下書除妖謬之言及赦前姦穢有相劾舉

晉平遠將軍護民校尉楊佛嵩率胡
衆三千餘戶降于萇晉將楊佺期趙睦追之遣姚崇赴
救大敗晉師斬趙睦以佛嵩爲鎮東將軍萇如長安至
于新支堡疾篤輿疾而進夢苻堅將天官使者鬼兵數
百突入營中萇懼走入宮宮人迎萇刺鬼誤中萇陰鬼
相謂曰正中死處拔矛出血石餘寤而驚悸遂患陰腫
醫刺之出血如夢萇遂狂言或稱臣萇殺陛下者兄襄
非臣之罪願不枉臣至長安召太尉姚晃尚書左僕射
尹緯右僕射姚晃尚書狄伯支等入受遺輔政萇謂興

曰有毀此諸人者慎勿受之汝撫骨肉以仁接大臣以
禮待物以信遇黔首以恩四者既備吾無憂矣以太元
十八年死時年六十四在位八年僞諡武昭皇帝廟號
太祖墓稱原陵

姚興字子略萇之長子也苻堅時爲太子舍人萇之在
馬牧興自長安冒難奔萇萇立爲王太子萇出征討當
留統後事及鎮長安甚有威惠與其中舍人梁喜洗馬
范勗等講論經籍不以兵難廢業時人咸化之萇死興
祕不發喪以其叔父緒鎮安定碩德鎮陰密第崇守

安頌德將佐言於頌德曰公威名宿重部曲最彊今魏代之際朝廷必相猜忌非永安之道也宜奔秦州觀望事勢頌德曰太子志度寬明必無疑阻今苻登未滅而自尋干戈所謂追二袁之蹤授首與人吾死而已終不若斯及至興優禮而遣之興自稱大將軍以尹緯爲長史狄伯支爲司馬率衆伐苻登咸陽太守劉忌奴據避世堡以叛興襲忌奴擒之苻登自六陌向廢橋始平太守姚詳據馬嵬堡以距登登衆甚盛興慮詳不能逼乃自將精騎以迫登遣尹緯領步卒赴詳緯用詳計奪廢

橋以抗登登因急攻緯緯將出戰興馳遣狄伯支謂緯曰兵法不戰而制人者蓋爲此也苻登窮寇宜持重不可輕戰緯曰先帝登遺人情擾懼今不因思奮之力崇殄逆豈大事去矣緯敢以死爭遂與登戰大破之登衆渴死者十二三其夜大潰登奔雍興乃發喪行服太元十九年僭即帝位于槐里大赦境內改元曰皇初遂如安定先是苻登使弟廣守雍子崇屯胡空堡聞宜敗各棄守走登無所投據遂奔平涼率其餘衆入馬毛山興自安定如涇陽與登戰于山南斬登馘其部衆歸復農

業徙陰密三萬戶於長安分大營戶為四置四軍以領之安南強熙鎮遠楊多叛推竇衝為盟主所在擾亂興率諸將討之軍次武功多兄子良國殺多而降衝弟彰武與衝離貳衝奔強熙熙聞興將至率戶二千奔秦州竇衝走汧川汧川氏仇高執送之衝從弟統率其眾降于興封征虜緒為晉王征西碩德為隴西王征南靖等及功臣尹緯齊難楊佛嵩等並為公侯其餘封爵各有差鮮卑薛勃於貳城為魏軍所伐遣使請救使姚崇赴救魏師既還薛勃復叛崇伐而執之大收其士馬而還

興追尊其庶母孫氏為皇太后配饗太廟楊盛保仇池遣使請命拜使持節鎮南將軍仇池公鮮卑越質詰歸率戶二萬叛乞伏乾歸降于興與處之于成紀拜使持節鎮西將軍平襄公姚碩德討平涼胡金豹于洛城尅之初上邽羌乳據本縣以叛自稱秦州刺史碩德進討之乳率眾降以碩德為秦州牧領護東羌校尉鎮上邽徵乳為尚書強熙及略陽豪族權干城率眾三萬圍上邽碩德擊破之熙南奔仇池遂假道歸晉碩德西討干城干城降興令郡國各歲貢清行孝廉一人慕容永既

為慕容垂所滅河東太守柳恭等各阻兵自守興遣姚
緒討之恭等依河距守緒不得濟鎮東薛彊先據楊氏
壁引緒從龍門濟河遂入蒲坂恭勢屈請降徙新平安
定新戶六千于蒲坂興母虵氏死興哀毀過禮不親庶
政羣臣議請依漢魏故事既葬即吉興尚書郎李嵩上
疏曰三王異制五帝殊禮孝治天下先王之高事也宜
遵聖陛以允道訓既葬之後應素服臨朝率先天下仁
孝之舉也尹緯駁曰帝王喪制漢魏為準嵩矯常越禮
愆于軌度請付有司以專擅論既葬即吉乞依前議興

曰嵩忠臣孝子有何咎乎主僕射棄先王之典而欲遵
漢魏之權制豈所望於朝賢哉其一依嵩議鮮卑薛勃
叛奔嶺北二郡貳川雜胡皆應之遂圍安遠將軍姚詳
於金城遣姚宗尹緯討之勃自二父趣金城宗列營掎
之而租運不繼二軍大飢緯言於崇曰輔國彌姐高地
建節杜成等皆諸部之豪位班二品督運稽留今二軍
乏絕宜明寘刑書以懲不肅遂斬之諸部大震租入者
數十餘萬興率步騎二萬親討之勃懼棄其衆奔于高
公沒奔于于執而送之弘氏男姚買得欲因興葬母

魏氏殺興會有告之者興未之信遣李嵩詐往買得具以告嵩嵩還以聞興乃賜買得死誅其黨與興下書禁百姓造錦繡及淫祀興率衆寇湖城晉弘農太守陶仲山華山太守董邁皆降于興遂如陝城進寇上洛陷之遣姚崇寇洛陽晉河南太守夏侯宗之固守金墉宗攻之不剋乃陷栢谷徙流人西河嚴彥河東裴岐韓龍等二萬餘戶而還興下書令士卒戰亡者守宰所在埋藏之求其近親爲之立後武都氏屠飛啖鐵等殺隴東太守姚弋略三千餘家據方山以叛興遣姚紹等討之斬

飛鐵遣狄伯支迎流人曹會牛壽萬餘戶于漢中興留心政事苞容廣納一言之善咸見禮異京兆杜瑾馮翊言默始平周寶等上陳時事皆擢處美官天水姜龕東平淳于岐馮翊郭高等皆耆儒碩德經明行脩各門徒數百教授長安諸生自遠而至者萬數千人興每於聽政之暇引龕等于東堂講論道藝錯綜名理涼州胡辯苻堅之末東徙洛陽講授弟子千有餘人關中後進多赴之請業興勅關尉曰諸生諮訪道義脩己厲身往來出入勿拘常限於是學者咸勸儒風盛焉給事黃門侍

郎玄成說中書侍郎王尚尚書郎馬岱等以文章雅正參
管機密說風韻秀舉確然不羣每以天下是非為已任時
京兆韋高慕阮籍之為人君母喪彈琴飲酒說聞而泣曰吾
當私刃斬之以宗風教遂持劔求高高懼逃匿終身不敢見
說與遣將鎮東楊佛嵩攻陷洛陽班命郡國百姓因荒自賣
為奴婢者悉免為良人興以日月薄蝕災眚屢見降號稱王
下書令羣公卿士將牧守宰各降一等於是其太尉趙公曼
等五十三人上疏諫曰伏惟陛下勳格皇天功濟四海威靈
振於殊域聲教暨於遐方雖成湯之隆殷基武王之崇周

業未足比論方當廓靖江吳告成中岳豈宜過垂沖損違
皇天之眷命乎興曰殷湯夏禹德冠百王然猶順守謙沖
禾居崇極况朕寡昧安可以處之哉乃遣曼告于社稷宗
廟大赦改元弘始賜孤老鰥寡粟帛有差年七十以上加
衣杖始平太守周班槐里令李彭皆以贖貨誅於是郡國
肅然矣洛陽既陷自淮漢已北諸城多請降送任興下書
聽祖父母昆弟得相容隱姚緒姚碩德以興降號固讓王
爵興弗許京兆韋華譙郡夏侯軌始平龐眺等率襄陽流
人一萬叛晉奔于興興引見東堂謂華曰晉自南遷承平

已矣今政化風俗何如華曰晉主雖有南面之尊無總御之實宰輔執政政出多門權去公家遂成習俗刑網峻急風俗奢宕自桓溫謝安已後未見寬猛之中興大悅拜華中書令興如河東時姚緒鎮河東興待以家人之禮下書封其先朝舊臣姚驢趙惡地王平馬萬載黃世等子爲五等子男命百僚舉殊才異行之士刑政有不便於時者皆除之兵部郎金城邊熙上陳軍令煩苛宜遵簡約興覽而善之乃依孫吳誓衆之法以損益之興立律學于長安召郡縣散吏以授之其通明者還

之郡縣論決刑獄若州郡縣所不能決者讞之廷尉興常臨諮議堂聽斷疑獄于時號無冤滯姚緒姚頌德固讓王爵許之緒頌德威權日盛興恐姦佞小人沮惑之乃簡清正君子爲之輔佐興以司隸校尉郭撫扶風太守強超長安令魚佩槐里令彭明倉部郎王年等清勤貞白下書褒美增撫邑一百戶賜超爵關內侯佩等進位一級使頌德率隴右諸軍伐之伏乾歸興潛軍赴之乾歸敗走降其部衆三萬六千收鎧馬六萬匹軍無私掠百姓懷之興進如拘罕班賜王公已下徧于卒伍興

之西也沒奔于密欲乘虛襲安定長史皇甫序切諫乃止于自恨失言陰欲殺序乞伏乾歸以窮蹙來降拜鎮遠將軍河州刺史歸義侯復以其部衆配之興下書將帥遭大喪非在疆場峻要之所皆聽奔赴及替乃從王役臨戎遭喪聽假百日若身為邊將家有大變交代未至敢輒去者以擅去官罪罪之遣晉將軍劉嵩等二百三十七人歸于建鄴魏人襲沒奔于于棄其部衆率數千騎與赫連勃勃奔于秦州魏軍進次瓦亭長安大震諸城閉門固守魏平陽太守貳塵入侵河東興於是練

兵講武大閱于城西幹勇壯異者召入殿中引見羣臣于東堂大議伐魏羣臣咸諫以為不可興不從司隸姚顯進曰陛下天下之鎮不宜親行可使諸將分討授以廟勝之策興曰王者正以廓土靖亂為務吾焉得辭之興立其子泓為皇太子大赦境內賜男子為父後者爵一級遣姚平狄伯支等率步騎四萬伐魏姚碩德姚穆率步騎六萬伐呂隆平等軍次河東興遣其光遠党娥立節雷星建忠王多等率杏城及嶺北突騎白和寧赴後越騎校尉唐方積駑姚良國率關中勁卒為平後繼

姚緒統河東見兵爲前軍節度姚弋仲洛東之兵姚詳
率朔方見騎並集平望以會于冀使弋仲守權鎮上邽
中軍廣陵公欽權鎮洛陽姚顯及尚書令姚晃輔其太
子泓入直西宮碩德至姑臧大敗之隆之衆得斬一萬
隆將呂他等率衆二萬五千以東荒來降先是弋仲
鹿孤據西平沮渠蒙遜據張掖李暠據敦煌與呂隆相
持至是皆遣使降與率戎卒四萬七千自長安赴襄
平攻魏乾城陷之遂據秦磬魏軍大至攻平截汾水以
守之與至蒲坂憚而不進時碩德攻呂隆撫納其衆分

置守宰節糧積粟爲持久之計隆懼遂降碩德軍入秦
整秋毫無犯祭先賢禮儒哲西平悅之姚平糧竭矢盡
將麾下三十騎赴汾水而死狄伯支等十將四萬餘人
皆爲魏所擒與下書軍士戰沒者皆厚加褒贈魏軍乘
勝進攻蒲坂姚緒固守不戰魏乃引還與徙河西豪右
萬餘戶于長安晉輔國將軍袁虔之寧朔將軍劉壽冠
軍將軍高長慶龍驤將軍郭恭等貳于桓玄懼而奔興
興臨東堂引見謂虔之等曰桓玄雖名晉臣其實晉賊
其才度定何如父也能辦成大事以不虔之曰玄藉其

資雄據荆楚屬晉朝失政遂偷竊宰衡安忍無親多忌
好殺位不才授爵以愛加無公平之度不如其父遠矣
今既握朝權必行篡奪既非命世之才正可為他人驅
除耳此天以機便授之陛下願速加經略廓清吳楚興
大悅以虔之為大司農餘皆有拜授虔之固讓請疆場
自效改授假節寧南將軍廣州刺史興立其昭儀張氏
為皇后封子懿弼洗宣謨焯璞質達裕國兒皆為公遣
其兼大鴻臚梁斐以新平張構為副拜禿髮傳檀車騎
將軍廣武公沮渠蒙遜鎮西將軍沙州刺史西海侯李

高安西將軍高昌侯興遣鎮遠趙曜率衆二萬西屯金
城建節王松念率騎助呂隆等守姑臧松念至魏安為
傳檀弟文真所圍衆潰執松念送于傳檀傳檀大怒送
松念還長安歸罪文真深自陳謝興下書錄馬嵬戰時
將吏盡擢叙之其堡戶給復二十年興性儉約車馬無
金玉之飾自下化之莫不敦尚清素然好游田頗損農
要京兆杜挺以僕射齊難無匡輔之益著豐草詩以箴
之馮翊相雲作德獵賦以諷焉興皆覽而善之賜以金
帛然終弗能改晉順陽太守彭泉以郡降興興遣楊佛

嵩率騎五千與其荊州刺史趙曜迎之遂寇陷南鄉擒
建威將軍劉嵩略地至于梁國而歸又遣其兼散騎侍
郎席確詣涼州徵呂隆弟超入侍隆遣之呂隆懼禿髮
僂檀之逼表請內徙興遣齊難及鎮西姚詒鎮遠乞伏
乾歸鎮遠趙曜等步騎四萬迎隆于河西難至姑臧以
其司馬王尚行涼州刺史配兵三千鎮姑臧以將軍閻
松爲倉松太守郭將爲番禾太守分成二城徙隆及其
宗室僚屬于長安沮渠蒙遜遣桀如子貢其方物王尚
綏撫遺黎導以信義百姓懷其惠化翕然歸之北部鮮

卑並遣使貢款桓玄遣使來聘請辛恭靖何澹之興留
恭靖而遣澹之謂曰桓玄不推計歷運將圖篡逆天未
忘晉必將有義舉以吾觀之終當傾覆卿今馳往必逢
其敗相見之期遲不云遠初恭靖至長安引見興而不
拜興曰朕將任卿以東南之事靖曰我寧爲國家鬼不
爲羌賊巨興怒幽之別室至是恭靖亦踰牆遁歸興遣
其將姚碩德姚歛成姚壽都等率衆三萬伐楊盛于仇
池壽都等入自宕昌歛成從下辯而進盛遣其弟壽距
成從子斌距部都逆擊擒之盡俘其衆楊壽等懼率衆

請降頌德還師晉汝南太守趙策委守奔于興興如道
遙園引請沙門于澄玄堂聽鳩摩羅什演說佛經羅什
通辯夏言尋覽舊經多有乖謬不與胡本相應興與羅
什及沙門僧略僧遷道樹僧叡道坦僧肇曇順等八百
餘人更出大品羅什持胡本興執舊經以相考校其新
文異舊者皆會於理義續出諸經并諸論三百餘卷今
之新經皆羅什所譯興既託意於佛道公卿以下莫不
欽附沙門自遠而至者五千餘人起浮圖于永貴里立
波若臺于中宮沙門坐禪者恒有千數州郡化之事佛

者十室而九矣使姚頌德及冠軍徐洛生等伐仇池又
遣建武趙琨自宕昌而進遣其將欽俱寇漢中時劉裕
誅桓玄迎復安帝玄衛將軍新安王桓謙臨原王桓怡
雍州刺史桓蔚左衛將軍桓謐中書令桓胤將軍何澹
之等奔于興劉裕遣參軍衡凱之詣姚顯請通和顯遣
吉默報之自是聘使不絕晉求南鄉諸郡興許之羣臣
咸諫以爲不可興曰天下之善一也劉裕拔萃起微匡
輔晉室吾何惜數郡而不成其美乎遂割南鄉順陽新
野舞陰等十二郡歸于晉姚頌德等頻敗楊盛盛懼請

隆遣子難當及僚佐子弟數十人爲質碩德等引還署
盛爲使持節散騎常侍都督益寧州諸軍事征南大將
軍開府益州牧武都侯歛俱陷城固徙漢中人流人郭
陶等三千餘家於關中興班告境內及在朝文武立名
不得犯叔父緒及碩德之名以彰殊禮興謙恭孝友每
見緒及碩德如家人之禮並服傾悚言則稱字車馬服
玩必先二叔然後服其次有朝之大政必諮之而後行
太史令郭麀言於興曰成王之歲當有孤寇起於西北
宜慎其鋒起兵如流沙也者如亂麻戎馬悠悠會龍驤

鮮卑烏丸居不安國家收於奔命矣時所在有泉水涌
出傳云飲則愈病後多無驗屢有妖人自稱神女戮之
乃止興大閱自杜郵至于羊牧興以姚碩德來朝大赦
其境內及碩德歸于秦州興送之及雍乃還禿髮傳檀
獻興馬三千匹羊三萬頭興以爲忠於已乃署傳檀爲
涼州刺史徵涼州刺史王尚還長安涼州人申屠英等
二百餘人遣主簿胡威詣興請留尚興弗許尚旣至長
安坐匿呂氏宮人擅殺逃人薄末等禁止南臺涼州別
駕宗敞上疏理尚興悅敞之文赦尚之罪以爲尚書晉

義熙二年立北將軍梁州督護府宣入漢中興梁州別
駕呂營漢中徐逸席難起兵應宣求救於楊盛盛遣軍
臨澧口南梁州刺史王敏退守武興楊盛復通于晉興
以太子泓錄尚書事慕容超司徒北地王鍾石僕射濟
陽王焜高都公始比日來奔華山郡地涌沸廣袤百餘步
燒生物皆熟歷五月乃止赫連勃勃殺高平公沒奕立
收其衆以叛先是魏一拓跋圭送馬千匹求婚於興興
許之以魏別立后遂絕婚故有柴壁之戰至是復與魏
通和魏放狄伯支姚伯嵩唐小方姚良國康官還長安

六三頁三十八

通志載事第五

二十

元編

皆復其爵位時禿髮傉檀沮渠蒙遜迭相攻擊傉檀遂
東招河州刺史西羌彭至念奚念阻河以叛蜀譙縱遣
使稱藩請袒謙欲令順流東伐劉裕興以問謙謙請行
遂許之使中軍姚弼後軍竦成鎮遠乞伏乾歸等率騎
三萬伐傉檀左僕射齊難等率騎二萬討勃勃吏部尚
書尹昭諫曰傉檀恃遠輒敢違逆宜詔蒙遜及李嵩使
自相攻擊待其斃也然後取之此下莊之舉也興不從
勃勃退保河曲弼濟自金城弼部將姜紀言於弼曰今
王師聲討勃勃傉檀猶豫未為嚴防請給輕騎五千

其城門則山澤之人皆爲吾有孤城獨立坐可尅也弼
不從進以昌松長驅至姑臧俘檀嬰城固守出其兵擊
弼弼敗退據西苑興又遣衛大將軍姚顯率騎二萬爲
諸軍節度至高平聞弼敗績兼道赴之撫慰河外率衆
而還俘檀嬰使人徐宿詣興謝罪齊難爲勃勃所擒興
遣平北姚冲征虜狄伯支輔國斂曼崑鎮東揚佛嵩率
騎四萬討勃勃冲次于嶺北欲廻師襲長安伯支不從
乃止懼其謀泄遂鳩殺伯支時王師伐譙縱大敗之縱
遣使乞師於興興遣平西姚賞南梁州刺史王敏率衆
二萬救之王師引還縱遣使拜師仍貢其方物興遣其
兼司徒韋華持節東拜縱爲大都督相國蜀王加九錫
備物典策一如魏皇故事承制封拜悉如王者之儀興
自平涼如朝那聞冲謀逆以其弟中最少雄武絕人猶
欲隱忍容之斂成盜明興曰冲凶險不仁每侍左右臣
常寢不安席願早爲人所興曰冲何能爲也但輕害名
將吾欲明其罪於四海乃下書賜冲死葬以庶人之禮
晉河間王子國璠章武王子叔道來奔興謂之曰劉裕
匡復晉室卿等何故來也國璠等曰裕與不逞之徒削

弱王室宗門能自脩立有莫不害之是避之來實非誠款所以避死耳興嘉之以國璫為建義將軍揚州刺史叔道為平南將軍交州刺史賜以甲第興如貳城將討赫連勃勃遣安遠姚弋計及斂曼崑鎮軍彭白狼分督莊運諸軍未集而勃勃騎大至興欲留步軍輕如崑營衆咸惶懼羣臣固以為不可興弗納尚書郎韋宗希旨勸興行蘭臺侍御史羊撈越次而進曰韋宗傾險不忠沮敗國計宜先腰斬以謝天下脫車駕動軫六軍駭懼人無守志取危之道也宜遣單使以徵弋計等興默然右僕

射韋華等諫曰右車騎輕動必不戰自潰崑營亦未必可至惟陛下圖之興乃遣左將軍姚文宗率禁兵距戰中壘齊莫統公兵以繼之文宗與莫皆勇果兼人以死力戰勃勃乃退留禁兵五千配姚弋計守貳城興還長安譙縱遣其侍中譙良太常楊軌朝於興請大舉以寇江東遣其江州刺史桓謙梁州刺史譙道福率衆二萬東寇江陵興乃遣前將軍苟林率騎會之謙地近江林也江津謙江左貴族部曲徧於荆楚晉之將士皆有叛心荊州刺史劉道規大懼嬰城固守雍州刺史魯宗之率

襄陽之衆救之道規乃留宗之守江陵率軍逆戰謙等
舟師大盛兼列步騎以待之大戰支江謙敗績乘輕舸
奔就苟林晉人獲而斬之苟林懼而引歸興以國用不
足增關津之稅鹽竹山木皆有賦焉羣臣咸諫以爲天
殖品物以養羣生王者子育萬邦不宜節約以奪其利
興曰能踰關梁通利於山水者皆豪富之家吾損有餘
以裨不足有何不可乃遂行之興從朝門游于文武苑
及昏而還將自平朔門入前驅既至城門校尉王蒲聰被
甲持杖閉門距之曰今已昏闇姦良不辨有死而已門

不可開興乃迴從朝門而入旦而召蒲聰進位二等乞
伏乾歸以衆叛攻陷金城執太守任蘭蘭厲色責乾歸
以背恩違義乾歸怒而囚之蘭遂不食而死赫連勃勃
遣其將胡金纂將萬餘騎攻平涼興如貳城因救平涼
纂衆大潰生擒纂勃勃遣兄子提攻陷定陽執北中郎
將姚廣都興將曹熾曹雲王肆佛等各將數千戶避勃
勃內徙興處肆佛于湟山澤熾雲于陳倉勃勃寇隴右攻
白崖堡破之遂趣清水略陽太守姚壽都委守奔秦州
勃勃又收其衆而歸興自安定追之至壽渠川不及而

還初天水人姜紀呂氏之叛臣阿諂姦詐好間人之親戚興子弼有寵於興紀遂傾心附之弼時爲雍州刺史鎮安定與密謀還朝令傾心事常山公顯樹黨左右至是興以弼爲尚書令侍中大將軍旣居將相虛襟引納收結朝士勢傾東宮遂有奪嫡之謀矣興以勃勃乾歸作亂西北傳檀蒙遜擅兵河右疇咨將帥之臣欲鎮撫二方隴東太守郭藩言於興曰嶺北二州鎮戶皆數萬若得文武之才以綏撫之足以靖塞姦路興曰吾每思得廉頗李牧鎮撫四方使便宜行事然任非其人恒致

負敗卿試舉之藩曰清絜善撫邊則平陸子三元始雄武多竒略則建威王煥賞罰必行臨敵不顧則奮武彭蚝興曰蚝令行禁止則有之非綏邊之才也始煥年少吾未知其爲人藩曰廣平公弼才兼文武宜鎮督一方願陛下遠鑒前車近悟後轍興不從以其太常索綬爲太尉領隴西內史綏誘乾歸政績旣美乾歸感而歸之太史令任猗言於興曰白氣出於北方東西竟天五百里當有破軍流血乞伏乾歸遣使送所掠守宰謝罪請降興以勃勃之難權宜許之假乾歸及其子熾擊官爵

姚詳時鎮杏城爲赫連勃勃所逼糧盡委守南奔大蘇
勃勃要之衆散爲勃勃所執時遣衛大將軍顯迎詳詳
敗遂屯杏城因令顯都督安定嶺北二鎮事潁川太守
姚平都自許昌來朝言於興曰劉裕敢懷姦計屯聚芍
陂有擾邊之志宜遣燒之以散其衆謀興曰裕之輕弱
安敢闕吾疆場苟有姦心其在子孫乎召其尚書楊佛
嵩謂之曰吳兒不自知乃有非分之意待至孟冬當遣
卿率精騎三萬焚其積聚嵩曰陛下若任臣以此役者
當從肥口濟淮直趣壽春舉大衆以屯城縱輕騎以掠

野使淮南蕭條兵粟俱了足令吳兒俯仰回惶神爽飛
越興大悅時西胡梁國兒於平涼作壽冢每將妻妾入
冢飲燕酒酣升靈牀而歌時人或譏之國兒不以爲意
前後征伐屢有大功興以爲鎮北將軍封平輿男年八
十餘乃死時客星入東井所在地震前後一百五十六
興公卿抗表請罪興曰災地之來咎在元首近代或歸
罪三公甚無謂也公等其心冠履復位仇池公楊盛叛
擾祁山遣建威趙琨率騎二千爲前鋒立節楊伯壽統
步卒繼之前將軍姚恢左將軍姚文宗入自鷲陝鎮

秦州刺史姚嵩入羊頭陝右徇胡翼度從陰窰出自開
城討盛興將輕騎五千自雍赴之與諸將軍會于隴口
天水太守王松念言於嵩曰元皇神略無方威武冠世
冠軍徐洛生猛毅兼人佐命大輔再入仇池無功而還
非楊盛智勇能全直是地勢然也今以趙琨之衆使君
之威準之先朝實未見成功使君具悉形便何不表聞
嵩不從盛率衆與琨相持伯壽畏悞弗進琨衆寡不敵
爲盛所敗興斬伯壽而還嵩乃具陳松念之言興善之
乾歸爲其下人所殺子熾磐新立羣下咸勸興取之興

曰乾歸先已返善吾方當懷撫因喪伐之非朕本志也
以楊佛嵩都督嶺北討虜諸軍事安遠將軍雍州刺史
率嶺北見兵以討赫連勃勃嵩發數日興謂羣臣曰佛
嵩驍猛果銳每臨敵對寇不可制抑吾常節之配兵不
過五十今衆旅旣多遇賊必敗今去已遠追之無及吾
深憂之其下咸以爲不然佛嵩果爲勃勃所執絕亢而
死興立昭儀齊氏爲皇后又下書以其故丞相姚緒太
宰姚碩德太傅姚旻大司馬姚崇司徒尹緯等二十四
人配饗於萇廟興以大臣屢喪令所司更詳臨赴之制

司白興依故事東堂發哀興不從每大臣死皆親臨之姚文宗有寵於姚泓姚弼深疾之誣文宗有怨言以侍御史廉桃生爲證興怒賜文宗死是後羣臣累及莫敢言弼之短時貳縣羌叛興遣後將軍欽成鎮軍彭曰浪比中郎將姚洛都討之欽成爲羌所敗甚懼謂趙興太守姚穆歸罪穆欲送殺之成怒奔赫連勃勃興遣姚紹與姚弼率禁衛諸軍鎮撫嶺北遼東侯彌姐亭地率其部人南居陰密劫掠百姓弼收亭地送之殺其衆七百餘人徙二千餘立於鄭城弼寵愛方隆所欲施行

無不信納乃以嬖人尹冲爲給事黃明侍郎唐盛爲治書侍御史左右機要皆其黨人漸欲廣樹爪牙彌縫其闕右僕射梁喜侍中任謙京兆尹尹昭承間言於興曰父子之際人罕得而言然君臣亦猶父子臣等理不容默並后匹嫡未始不傾國亂家廣平公弼姦凶無狀潛有陵奪之志陛下寵之不道假其威權傾險無賴之徒莫不鱗湊其側市巷讖議皆言陛下欲有廢立之心誠如此者臣等有死而已不敢奉詔興曰安有此乎昭等曰若無廢立之事陛下愛弼適所以禍之願去其左右

滅其威權非但弼有泰山之安宗廟社稷亦有磐石之固矣興默然興寢疾妖賊李弘反于貳原貳原民仇常起兵應弘興與疾討之斬常執弘而還徙常部人五百餘戶于許昌興疾篤其太子泓屯兵于東華門侍疾於詔議堂姚弼潛謀爲亂招集數千人被甲伏於其第撫軍姚紹及侍中任謙右僕射梁喜冠軍姚讚京兆尹尹昭輔國欽曼鬼並與禁兵宿衛于內姚裕遣使告姚懿于蒲坂并密信諸藩論弼逆狀懿流涕以告將士曰上今寢疾臣子所宜冠履不整而慶平公弼擁兵私第不

忠於儲宮正是孤徇義亡身之日諸君皆忠烈之士亦當同孤徇斯舉也將士無不奮怒攘袂曰惟殿下所爲死生不敢貳於是盡赦囚徒散布帛數萬匹以賜其將士建牙誓衆將赴長安鎮東豫州牧姚洸起兵洛陽平西姚謨起兵於雍將以赴泓之難興疾瘳朝其羣臣征虜劉亮泣謂興曰陛下寢疾數旬柰何忽有斯事興曰朕過庭無訓使諸子不穆愧于四海卿等各陳所懷以安社稷尹昭曰廣平公弼恃寵不度阻兵懷貳自宜賞之刑書以明典憲陛下若含忍未便加法者且可削奪

威權使散居藩國以爲闕闕之禍全天性之恩興謂梁
喜曰卿以爲何如喜曰臣之愚見如昭所陳興以弼才
兼文武未忍致法免其尚書令以將軍公就第懿等聞
興疾瘳各罷兵還鎮懿恢及弟謏等皆抗表罪弼請致
之刑法興弗許時魏遣使聘于興且請婚興許之遣其
吏部郎嚴康報聘并致方物時姚懿姚洗姚宣姚謏來
朝使姚裕言於興曰懿等今悉在外欲有所陳興曰汝
等正欲道弼事耳吾已知之裕曰弼苟有可論陛下所
宜垂聽若懿等言違大義便當肆之刑辟奈何距之於

是引見諮議堂宣流涕曰先帝以大聖起基陛下以神
武定業方隆七百之祚爲萬世之美安可使弼謀傾社
稷宜委之有司肅明刑憲臣等敢以死請興曰吾自處
之非汝等所憂先是大司農竇溫司徒左長史王弼皆
有密表勸興廢立興雖不從亦不以爲責撫軍東曹屬
姜虬上疏曰廣平公弼懷姦積年謀禍有歲傾詭羣賢
爲之畫足釁成逆著取嗤戎裔文王之化刑于寡妻聖
朝之亂起自愛子今雖欲含忍其瑕掩蔽其罪而逆黨
猶繁扇惑不已弼之亂心其可革邪宜斥散凶徒以絕

禍始興以虬表示梁喜曰天下之人莫不以吾兒爲口
實將何以覲之喜曰信如虬言陛下宜早裁決興默然
太子詹事王周亦虛襟引士樹黨東宮弼惡之每規陷
害周周抗志確然不爲之屈興嘉其守正以周爲中書
監晉荊州刺史司馬休之據江陵雍州刺史魯宗之據
襄陽與劉裕相攻遣使求援興遣姚成王司馬國璠率
騎八千赴之弼恨姚宣之毀已遂譖宣於興會宣司馬
權不至長安興責不以無匡輔之益將戮之丕性傾巧
因誣宣罪狀興大怒遂收宣于杏城下獄而使弼將三

萬人鎮秦州丕昭言於興曰廣平公與皇太子不平握
彊兵於外陛下一旦不諱恐社稷必危小不忍以致大
亂者陛下之謂也興弗納赫連勃勃攻杏城興又遣弼
救之至冠泉而杏城陷興如北地弼次于三樹遣弼及
斂曼嵬向新平興還長安姚成王至于南陽司馬休之
等爲劉裕所敗引歸休之宗之等遂與譙王文思新蔡
王道賜寧朔將軍梁州刺史馬敬輔國將軍竟陵太守
魯軌寧朔將軍南陽太守魯範奔于興勃勃遣其將赫
連建率衆寇貳縣數千騎入平涼姚恢與建戰于五井

涼太守姚周都為建所獲遂入新平熒弼討之戰于
龍尾堡大破之擒建送于長安初勃勃攻彭雙方于石
堡方力戰距守積年不能尅至是聞建敗引歸休之等
至長安興謂之曰劉裕崇奉晉帝豈便有關乎休之曰
臣前下都琅邪王德文泣謂臣曰劉裕供御主上克薄
奇深以事勢推之社稷之憂方未可測興將以休之為
荊州刺史任以東南之事休之固辭請與魯宗之等擾
動襄陽淮漢乃以休之為鎮南將軍揚州刺史宗之等
並有拜授休之將行侍御史唐盛言於興曰符命所記

太元二年七月十八

通志卷第五

四十一

王季羣

司馬氏應復河洛休之既得灌鱗南翔恐非復池中之
物可以崇禮不宜放之興曰司馬氏脫如所記留之適
足為患遂遣之楊武安鄉侯康宦驅略白鹿原氏胡數
百家奔上洛太守宋林距之商洛人黃金等起義兵以
擄宦宦乃率眾歸罪興赦之復其爵位時白虹貫日有
術人言於興曰將有不祥之事終當自消時興樂動姚
弼稱疾不朝集兵於第興聞之怒甚取其黨殿中侍御
史唐盛孫玄等殺之泓言於興曰臣誠不肖不能訓誥
於第致弼構造是非仰慙天日陛下若以臣為社稷之

憂除臣而國寧亦家之福也若垂天性之恩不忍加臣
刑戮者乞聽臣守藩輿慘然改容召姚讚渠喜昇昭歛
曼鬼於諮議堂密謀收弼時姚紹屯兵雍城馳遣告之
數日不決弼黨兇懼與慮其爲變乃收弼囚之中曹窮
責黨與將殺之泓流涕固請之乃止興謂梁喜曰泓天
心平和性少猜忌必能容養群賢保全吾子於是皆赦
弼黨靈臺令張泉又言於興曰熒惑入東井句紀而返未
餘月復來守心王者惡之宜脩仁虛己以答天譴興納
之正旦興朝群臣于太極前殿沙門賀僧慟泣不能自

勝衆咸恠焉賀僧者莫知其所從來也言事皆有效驗
興甚神禮之常與隱士數人豫於譙會興如華陰以泓
監國入居西宮因疾篤還長安泓欲出迎其宮臣曰今
主上疾篤姦臣在側廣平公每希覬非常變故難測今
殿下若出進則不得見主上退有弼等之禍安所歸乎
自宜深抑情禮以寧宗社泓從之乃拜迎於黃龍門樽
下弼黨見興升輿咸懷危懼尹冲等先謀欲因泓出迎
言之尚書姚沙彌曰若太子有備不來迎侍當奉東輿
且趣公第宿衛者聞上在此自當來奔誰與太子守乎

吾等以廣平公之故陷身逆節今以乘輿南幸自當是
杖義之理匪但救廣平之禍足可以申雪前愆冲等不
從欲隨輿入殿中作亂復未知輿之存亡疑而不發輿
命泓錄尚書事使姚紹胡翼度典兵禁中防制內外遣
斂曼嵬收弼第中甲杖內之武庫輿疾轉篤輿妹僞南
安長公主問疾不應輿少子耕兒出告其兄愔曰上已
崩矣宜速決計於是愔與其屬率甲士攻端門殿中上
將軍斂曼嵬勒兵距殿右衛胡翼度率蒼兵閉四門愔
等遣壯士登門緣屋而入及于馬道泓時侍疾于諮議

堂遣斂曼嵬率殿中兵登武庫距戰太子右衛率姚和
都率東宮兵入屯馬道南愔等既不得進遂燒端門輿
力疾臨前殿賜弼死禁兵見輿喜躍貫甲赴賊賊衆駭
擾和都勒東宮兵自後擊之愔等奔潰逃于驪山愔黨
呂隆奔雍尹冲等奔于京師輿引紹及讚梁喜尹昭斂
曼嵬入內寢受遺輔政義熙十二年輿死時年五十一
在位二十二年僞謚文桓皇帝廟號高祖墓曰偶陵
姚泓字元子興之長子也孝友寬和而無經世之用又
多疾病輿將以爲嗣而疑焉久之乃立爲太子興每征

以巡游常留總後事博學善談論尤好詩詠尚書王尚
黃門郎段章尚書郎富允文以儒術侍講胡義周夏侯
稚以文章游集時尚書王敏右丞郭播以刑政過寬議
欲峻制泓不許泓受經於博士淳于岐岐病泓親詣省
疾拜于牀下自是公侯見師傳皆拜焉興之如平涼也
馮翊人劉歊聚衆數千據萬年以叛泓遣鎮軍彭白狼
率東宮禁兵討之斬歊赦其餘黨諸將咸勸泓宜廣其
首級露布表言泓曰主上委吾後事使式遏寇逆吾綏
御失和以長姦宄方當引咎責躬歸罪行間安敢過自

矜誕以重罪責乎其弟弼有奪嫡之謀泓恩撫如初未
嘗見于色姚紹每為弼羽翼泓亦推心宗事弗以為嫌
及僭位任紹以兵權紹亦感而歸誠卒守其忠烈其明
識寬裕皆此類也興既死秘而不發喪南陽公姚愔及
大將軍尹元等謀為亂泓皆誅之命其齊公姚恢殺安
定太守呂超恢父乃誅之泓疑恢有陰謀恢自是懷貳
陰聚兵甲焉泓發喪以義熙十二年僭即帝位大赦殊
死已下改元永和廬于諮議堂既葬乃親庶政內外百
僚增位一等令文武各盡直言政有不便於時事有先

益宗廟者極言勿有所諱初與徙李閏羌三千家於安定尋徙新支至是羌酋党容率所部叛還遣撫軍如讚討之容降徙其豪右數百戶于長安餘遣還李閏北地太守毛雍據趙氏塢以叛于泓姚紹討擒之姚宣時鎮杏閭未知雍敗遣部將姚佛生等來衛長安衆既發言參軍韋宗姦諂好亂說宣曰主上初立威化未著勃勃疆盛侵害必深本朝之難未可阻也殿下居維城之任宜深慮之邢望地形險固總三方之要若能據之虛心撫禦非但克匡維城亦霸王之業也宣乃率戶三萬八千棄李閏南保邢望宣既南移諸羌據李閏以叛紹進討破之宣詣紹歸罪紹怒殺之初宣在邢望泓遣姚佛生諭宣佛生遂讚成宣計紹數其罪又戮之泓下書士卒死王事贈以爵位永復其家又將封其官臣十六人五等子男姚讚諫之乃止并州定陽貳城胡數萬落叛泓入于平陽攻立義姚成都于匈奴堡推匈奴曹弘為大單于所在殘掠征東姚懿自蒲坂討弘戰于平陽大破之執弘送于長安徙其豪右萬五千落于雍州仇池公楊盛攻陷祁山執建節王總遂逼秦川泓遣後將軍

姚平救之盛引退姚嵩與平追盛及于竹嶺姚讚率隴
西太守姚秦都略陽太守王煥以禁兵赴之讚至清水
嵩為盛所敗嵩及秦都王煥皆戰死讚至秦州退還仇
池先是天水冀縣石鼓鳴聲聞數百里野雉皆雊秦州
地震者三十二殷殷有聲者八山崩舍壞咸以為不祥
及嵩將出羣僚固諫止之嵩曰若有不祥此乃命也安
所逃乎遂及於難識者以為秦州泓之故鄉將滅之徵
也赫連勃勃攻陷陰密執秦州刺史姚軍都坑將士五
千餘人軍都瞋目厲聲數勃勃殘忍之罪不為之屈勃

言下

通志載記卷之三

甲六

虞昌

勃怒而殺之勃勃既剋陰密進兵侵雍嶺北雜戶悉奔
五將山征北姚恢棄安定率六五千奔新平安定人胡
儼華韜等率衆距恢恢單騎歸長安立節彌姐成建武
裴岐為儼所殺鎮西姚謚委鎮東走勃勃遂據雍抄掠
鄯城姚紹及征虜尹昭鎮軍姚洽等率騎五萬討勃勃
姚恢以精騎一萬繼之軍次橫水勃勃退保安定胡儼
閉門距之殺鮮卑數千人據安定以降紹進兵躡勃勃
戰于馬鞍坂敗之追至朝那不及而還揚盛遣兄子僊
入寇長蛇平陽氏苟渴聚衆千餘據五丈原以叛遣鎮

遠姚萬恢武姚難討之爲渴所敗姚謚討渴擒之泓使
輔國斂曼崑前將軍姚光兒討楊倦于陳倉倦奔于散
關勃勃遣兄子提南侵池陽車騎姚裕前將軍彭白狼
建義虵玄距却之尋而晉太尉劉裕總大軍伐泓次于
彭城遣冠軍將軍檀道濟龍驤將軍王鎮惡入自淮肥
攻溱丘項城將軍沈林子自汴入河攻倉垣泓將王苟
生以溱丘降鎮惡徐州刺史姚掌以項城降道濟王師
遂入潁口所至多降服惟新蔡太守董遵固守不降道
濟攻破之縛遵而致諸軍門遵厲色曰古之王者伐國

待士以禮君奈何以不義行師待國士以非禮乎道濟
怒殺之姚紹聞王師之至還長安言於泓曰晉師已過
許昌豫州安定孤遠卒難救衛宜遷諸鎮立內實京畿
可得精兵十萬足以橫行天下假使二寇交侵無深害
也如其不爾晉侵豫州勃勃寇安定者將若之何事機
已至宜在速決其左僕射梁喜曰齊公恢雄勇有威名
爲嶺北所憚鎮人已與勃勃深仇理應守死無貳勃勃
終不能棄安定遠寇京畿若無安定虜馬必及於鄴雍
今關中兵馬足距晉師豈可未有憂危先自削損也泓

從之吏部郎懿橫密言於泓曰齊公恢於廣平之難有忠勲於陛下自陛下龍飛紹統未有殊賞以答其意今外則致之死地內則不豫朝權安定人自以孤危逼寇欲思南遷者十室而九若擁精兵四萬鼓行而向京師得不爲社稷之累乎宜徵還朝廷以慰其心泓曰恢若懷不逞之心徵之適所以速禍耳又不從王師至城臯征南姚洸時鎮洛陽馳使請救泓遣越騎校尉闞生率騎三千以赴之武衛姚益男將步卒一萬助守洛陽又遣征東并州牧姚懿南屯陝津爲之聲援洸部將趙玄

說洸曰今寇逼已深百姓駭懼衆寡勢殊難以應敵宜攝諸戍兵士固守金墉以待京師之援不可出戰如脫不捷大事去矣金墉旣固師無損敗吳寇終不敢越金墉而西困之於堅城之下可以坐制其弊時洸司馬姚禹潛通于道濟主簿闞恢楊虔等皆禹之黨嫉玄忠誠咸共毀之固勸洸出戰洸從之乃遣玄率精兵千餘南守柏谷塢廣武石無諱東戍鞏城以距王師玄泣謂洸曰玄受三帝重恩所守正死耳但明公不用忠臣之言爲姦孽多誤後必悔之但無及耳會陽城及城臯滎陽

虜卒諸城悉降道濟等長驅而至無諱至石關奔還
與晉將毛德祖戰于柏谷以衆寡而敗被瘡十餘據
大呼玄司馬騫鑿冒刃抱玄而立玄曰吾瘡已重君宜
速去鑿曰若將軍不濟當與俱死去將安之皆死於陣
姚禹踰城奔下王師道濟進至洛陽沈懼遂降時閻生
至新安益男至湖城會洛陽已沒遂留屯不進姚懿嶮
薄惑於信受其司馬孫暢姦巧傾佞好亂樂禍勸懿壘
長安誅姚紹廢泓自立懿納之乃引兵至陝津散穀以
賜河北夷夏欲虛損國儲招引和戎諸羌樹已私惠懿
左常侍張敞侍郎左雅固諫懿怒答而殺之泓聞之召
姚紹等密謀於朝堂紹曰懿性識鄙近從物推移造成
此事惟當孫暢耳但馳使徵暢遣撫軍讚據陝城臣向
潼關爲諸軍節度若暢奉詔而至者臣當遣懿率河東
見兵共平吳寇如其逆釁已成違距詔勅者當明其罪
於天下聲鼓以擊之泓曰叔父之言社稷之計也於是
遣姚讚及冠軍司馬國璠建義虵玄屯陝津武衛姚
屯潼關懿遂舉兵僭號傳檄州郡欲運匈奴保穀以
鎮人寧東姚成都距之懿乃卑辭招誘深自結託

乃爲誓成都送以呈泓懿又遣驍騎王國率甲士數百
攻成都成都擒國囚之遣使讓懿責以叛亂之罪乃宣
告諸城勉以忠義厲兵秣馬徵發義祖河東之兵無詣
懿者懿深患之臨晉數千戶叛應懿姚紹濟自蒲津擊
臨晉叛戶大破之懿等震懼鎮人安定郭純王奴等率
衆圍懿紹入于蒲坂執懿囚之誅孫暢等泓以內外離
叛王師漸逼歲旦朝羣臣于其前殿悽然流涕羣臣皆
泣時征北姚恢率安定鎮戶三萬八千焚燒室宇以車
爲方陣自北雍州趣長安自稱大都督建義大將軍移
檄州郡欲除君側之惡揚威姜紀率衆奔之建節彭完
都聞恢將至棄陰密奔還長安恢至新支姜紀說恢曰
國家重將在東京師空虛公可輕兵徑襲事必尅矣恢
不從乃南攻郿城鎮西姚謀爲恢所敗恢軍勢彌盛長
安大震泓馳使徵紹遣姚裕及輔國胡翼度屯于漘西
扶風太守姚雋安夷護軍姚墨蠡建威姚娥都揚威彭
蚝皆懼而降恢舅苟和時爲立節將軍守忠不貳泓
召而謂之曰衆人咸懷去就卿何能自安邪和曰若天
縱妖賊得肆其逆節者舅生之理不在奔馳而加親

其罪極逆銷天盈其罰者守忠執志臣之體也違親叛君臣之所耻泓善其忠恕加金章紫綬姚紹率輕騎先赴難使姚洽司馬國璠將兵卒三萬赴長安恢從曲牢進屯杜成紹與恢相持于雲臺姚讚聞恢漸逼留寧朔尹雅為弘農太守守潼關諸軍還長安泓謝讚曰元子不能崇明德義道悉羣一致禍起蕭牆變自同氣既上負祖宗亦無顏見諸父始請逆滅亡恢復擁衆內叛將若之何讚曰懿等所以敢稱兵內侮者諒由臣等輕弱無防逼之方故也因懷袂大泣曰臣與大將軍不

滅此賊終不持面復見陛下一泓於是班賜軍士而遣之恢衆見諸軍悉集咸懼而思善其將齊萬等棄恢而降恢進軍逼紹讚自後要擊大破之殺恢及其三弟泓哭之悲慟葬以公禮至是下鎮惡至宜陽毛德祖攻弘農太守尹雅于蠡吾城衆思德祖使騎追獲之既而殺晉守者奔固潼關檀道濟以林子攻拔襄邑保建威薛昂奔河東道濟自陝北渡攻蒲坂使將軍荀卓攻匈奴堡為泓寧東姚成都所敗泓遣姚驢救蒲坂胡翼度據潼關泓進紹太宰大將軍大都督都督中外諸軍事假黃

欽改封魯公侍中可憐示正節錄並如故朝之大政皆
往決焉紹固辭不許於且又遣紹率武衛姚鸞等步騎五
萬距王師于潼關姚驢由平并州刺史尹昭為表裏之勢
夾攻道濟道濟深壁不戰沈林子說道濟曰今蒲坂城
堅池濬非可卒剋攻之傷眾守之引日不如棄之先事
潼關潼關天岨形勝之地鎮惡孤軍勢危力寡若使姚
紹據之則難圖矣如剋潼關紹可不戰而服道濟從之
乃棄蒲坂南向潼關姚鸞一禁兵七千自渭北而東進
據蒲津劉裕使沈田子及一弘之率眾萬餘人入上洛

三言十八

通志載

卷五

五十一

劉裕

所在多委城鎮奔長安田子等進及背泥姚紹方陣而
前以距道濟道濟固壘不戰紹乃攻其西營不剋遂以
大衆逼之道濟率王敬沈林丁等逆衝紹軍將士驚散
引還定城紹留姚鸞守險絕退濟糧道時裕別將姚珍
入自子午竇霸入自洛谷衆各數千人泓遣姚萬距霸
姚彊距珍姚鸞遣將尹雅與道濟司馬徐琰戰于潼關
南為琰所獲送之劉裕裕以雅前叛欲殺之雅曰前活
本在望外今死寧不甘心明公將以大義平天下豈可
使秦無守信之臣乎裕嘉而勉之泓遣給事黃門侍郎

姚和都屯于堯柳以備田子姚紹謂諸將曰道濟等遠來送死衆旅不多嬰壘自固者正欲曠日持久以待繼援耳吾欲分軍逕據閔鄉以絕其糧運不至一月道濟之首可懸之麾下矣濟等旣沒裕計自沮諸將咸以爲然其將胡翼度曰軍勢宜集不可以分若偏師不利人心駭懼胡可以戰紹乃止薛帛據河曲以叛紹分道置諸軍爲犄角之勢遣輔國胡翼度據東原武衛姚鸞營于大路與晉軍相接沈林子簡精銳銜枚夜襲之鸞衆潰戰死士卒死者九千餘人姚讚屯于河上遣恢武姚

萬曆十七年刊

通志載記第五

五十三

欽定四庫全書

京

難運蒲坂穀以給其軍至杏城爲王師所敗時泓遣姚謏守堯柳姚和都討薛帛于河東聞王師要難乃兼道赴救未至而難敗因破裕裨將于河曲遂屯蒲坂姚讚爲林子所敗單馬奔定城紹遣左長史姚洽及姚墨蠡等率騎三千屯于河北之九原欲絕道濟諸縣租輸洽辭曰夫小敵之堅大敵之擒今兵衆單弱而遠在河外雖明公神武然鞭短勢殊恐無所及紹不聽沈林子率衆八千要洽於河上洽戰死衆皆沒紹聞洽等敗忿恚發病託姚讚以後事使姚難屯關西紹嘔血而死泓以

晉師之逼遣使乞師于魏魏遣司徒南平公托拔嵩正直將軍安平公乙旃眷進據河內游擊將軍王洛生屯于河東為泓聲援劉裕次于陝城遣沈林子率精兵萬餘越山開道會沈田子等于青泥將攻堯柳泓使姚裕率步騎八千距之泓躬將大衆繼發裕為田子所敗泓退次于灊上關中郡縣多潛通于王師劉裕至潼關遣將軍朱超石徐猗之會薛帛于河北以攻蒲坂姚讚距裕于關西姚難屯于杏城裕遣王鎮惡王敬等自秋社西渡渭以逼難軍鎮東姚璞及姚和都擊敗猗之等於蒲坂

萬曆十七年刊

通志載記第五

五十四

監生程應龍

京

猗之遇害超石棄其衆奔于潼關姚讚遣司馬休之及司馬國璠自軹關向河內引魏軍以躡裕後姚難既為鎮惡所逼引師而西時大霖雨渭水汎溢讚等不得北渡鎮惡水陸兼進追及姚難泓自灊上還軍次于石橋以援之讚退屯鄭城鎮北姚彊率郡人數千與姚難陣于涇上以距鎮惡鎮惡遣毛德祖擊彊大敗彊戰死難遁還長安劉裕進據鄭城泓使姚裕尚書龐純屯兵宮中姚洸屯于灃西尚書姚白瓜徙四軍雜戶入長安姚丕守渭橋胡翼度屯石積姚讚屯霸東泓軍于逍遙園

鎮惡夾渭進兵破姚丕于渭橋泓自道遙圍赴之逼水
地狹因丕之敗遂相踐而退姚謏及前軍姚烈左衛姚
寶安散騎王帛建武姚進揚威姚蚝尚書右丞孫玄等
皆死於陣泓單馬還宮鎮惡入自平朔門泓與姚裕等
數百騎出奔于石橋讚聞泓之敗也召將士告之衆皆
以刀擊地攘袂大泣胡翼度先與劉裕陰通是日棄衆
奔裕讚夜率諸軍將會泓于石橋王師已固諸門讚軍
不得入衆皆驚散泓計無所出謀欲降于裕其子佛念
年十一謂泓曰晉人將逞其欲終必不全願自裁決泓

憮然不答佛念遂登空牆自投而死泓將妻子詣壘門
而降讚率宗室子弟百餘人亦降于裕裕盡殺之餘宗
遷于江南送泓于建康市斬之時年三十在位二年建
康百里之內草木皆燹死焉姚襄以孝武太元九年僭
位至泓三世以安帝義熙十三年而滅凡三十二年
尹緯字景亮天水人也少有大志不營產業身長八尺
腰帶十圍魁梧有英氣每覽書傳至宰相立勳之際常
戰書而歎苻堅以尹赤之降姚襄諸尹皆禁錮不仕緯
晚乃爲吏部令史風志豪邁郎皆憚之堅末年祆星見

于東井緯知堅將滅喜甚向天再拜既而流涕長歎友人略陽桓識恠而問之緯曰天時如此正是霸王龍飛之秋吾徒杖策之日然知己難遭恐不得展吾才志是以欣懼交懷及姚萇奔馬牧緯與尹詳龐演等扇動羣豪推萇爲盟主遂爲佐命元功萇旣敗苻堅遣緯說堅求禪代之事堅問緯曰卿於朕何官緯曰尚書令史堅歎曰卿宰相才也王景略之儔而朕不知卿亡也不亦宜乎緯性剛簡清亮慕張子布之爲人馮翊段鏗性傾巧萇愛其博識引爲侍中緯固諫以爲不可萇不從緯

屢衆中辱鏗鏗心不平之萇聞而謂緯曰卿性不好學何爲憎學者緯曰臣不憎學憎鏗不正耳萇因曰卿好不自知每比蕭何真何如也緯曰漢祖與蕭何俱起布衣是以相貴陛下起貴中是以賤臣萇曰卿實不及胡爲不知也緯曰陛下何如漢祖萇曰朕實不如漢祖卿遠蕭何故不如甚也緯曰漢祖所以勝陛下者以能遠段鏗之徒故耳萇默然乃出鏗爲北地太守萇死緯與姚興滅苻登成興之業皆緯之力也歷輔國將軍司隸校尉尚書左右僕射清河侯緯友人隴西牛壽率漢中

流人歸興謂緯曰足下平生自謂時明也才足以立功立事道消也則追二踈朱雲發其狂直不能如胡廣之徒洿隆隨俗今遇其時矣正是垂名竹素之日可不勉歟緯曰吾之所庶幾如是但未能委宰衡於夷吾識韓信於羈旅以斯爲愧耳立功立事竊謂未負昔言興聞而謂緯曰君之與壽言也何其誕哉立功立事自謂何如古人緯曰臣實未愧古人何則遇時來之運則輔翼太祖建八百之基及陛下龍飛之始翦滅苻登盪清秦雍生極端右死饗廟庭古之君子正當爾耳興大悅及死興甚悼之贈司徒謚曰忠成侯

後蜀

李特字玄休巴蜀宕渠人其先廩君之苗裔也昔武落鍾離山崩有石穴二所其一赤如丹一黑如漆有人出於赤穴者名曰務相姓巴氏有出於黑穴者凡四姓曰暉氏樊氏栢氏鄭氏五姓俱出皆爭爲神於是相與以劔刺穴屋能著者以爲廩君四姓莫著而務相之劔懸焉又以土爲船彫畫之而浮水中曰若其船浮存者以爲廩君務相船又獨浮於是遂稱廩君乘其土船將其

徒卒當夷水而下至于鹽陽鹽陽水神女子止廩君曰
此魚鹽所有地又廣大與君俱生可止無行廩君曰我
當爲君求廩地不能止也鹽神夜從廩君宿旦輒去爲
飛蟲諸神皆從其飛蔽日晝昏廩君欲殺之不可別又
不知天地東西如此者十日廩君乃以青縷遺鹽神曰
嬰此即宜之與汝俱生弗宜將去汝鹽神受而嬰之廩
君立碣石之上望膺有青縷者跪而射之中鹽神鹽神
死羣神與俱飛者皆去天乃開朗廩君復乘土船下及
夷城夷城石岸曲泉水亦曲廩君望如穴狀歎曰我新

萬曆十七年刊

通志載記第五

五十八

監生洪廷用
三百八十八

京

從穴中出今又入此柰何岸即爲崩廣三丈餘而階陛
相乘廩君登之岸上有平石方一丈長五尺廩君休其
上投策計筭皆著石焉因立城其旁而居之其後種類
遂繁秦并天下以爲黔中郡薄賦歛之口歲出錢四十
巴人呼賦爲賓因謂之賓人焉及漢高祖爲漢王募賓
人平定三秦旣而求還鄉里高祖以其功復同豐沛不
供賦稅更名其地爲巴郡土有鹽鐵丹漆之饒俗性剽
勇又善歌舞高祖愛其舞詔樂府習之今巴渝舞是也
漢末張魯居漢中以鬼道教百姓賓人敬信巫覡多往

奉之值天下大亂自西之宕渠遷于漢中揚車坂抄掠行旅百姓患之號為揚車巴魏武帝討漢中特祖將五百餘家歸之魏武而拜為將軍遷于略陽北土復號之為巴氏特父慕為果羌獵將特少仕州郡見異當時身長八尺雄武善騎別沉毅有六度元康中氏齊萬年反關西擾亂頻歲大飢百姓乃流移就穀相與入漢川者數萬家特隨流人將入于蜀至劔閣箕踞太息顧眄險阻曰劉禪有如此之地而面縛於人豈非庸才邪同夷者閻式趙肅李遠任回等咸歎異之初流人既至漢中上書求寄食巴蜀朝議不許遣侍御史李苾持節慰勞且監察之不令入劔閣苾至漢中受流人貨賂反為表曰流人十萬餘口非漢中一郡所能振贍東下荊州水湍迅險又無舟船蜀有倉儲人復豐稔且令就食朝廷從之由是散在益梁不可禁止永康元年詔徵益州刺史趙廞為大長秋以成都內史耿騰代廞廞遂謀叛潛有劉氏割據之志乃傾倉廩振施流人以收衆心特之黨類皆巴西人與廞同郡率多勇壯廞厚遇之以為爪牙故特等聚衆為寇盜蜀人患之滕密上表以為

流人剛剽而蜀人怯弱客主不能相制必為亂階宜使
移還其本若致之險地將恐秦雍之禍萃於梁益必貽
聖朝西顧之憂盛聞而惡之時益州文武千餘人已往
迎滕滕率眾入州亦遣眾逆滕戰于西門滕敗死之盛
自稱大都督大將軍益州牧特弟庠與兄弟及妹夫李
含任回上官惇扶風李攀始平費佗氏苻成隗伯等以
四千騎歸盛盛以庠為威寇將軍使斷北道庠素東莞
良將曉軍法不用塵幟舉才為行伍斬部下不用命者
三人部陣肅然盛惡其齊整欲殺之而未言長史杜淑

司馬張黎言於盛曰得云五人不在此邊將軍起兵始爾
便遣李庠握彊兵於外愚竊惑焉且非我族類其心必
異倒戈授人竊以為不可願將軍圖之盛斂容曰卿言
正當吾意可謂起予也問此天使卿等成吾事也會庠
在門請見盛盛大悅引庠見之庠欲觀盛意旨再拜進
曰今中國大亂無復維晉室當不可復興也明公道
格天地德被區宇湯武之事實在于今宜應天時順人
心拯百姓於塗炭使物情知所歸則天下可定非但庸
蜀而已盛怒曰此豈人臣所宜言令淑等議之於是淑

等上率大逆不道，厥乃殺之。及其子姪宗族三十餘人，
厥慮特等為難，遣人喻之曰：「庠非所宜言罪，應至死不
及。兄弟以庠尸還，特復以特兄弟為督將，以安其衆。牙
門將許弇求為巴東監軍，杜淑、張粲固執不許。弇怒於
厥，閣下手刃殺淑、粲。淑、粲左右又殺弇，皆厥腹心也。特
兄弟既以怨厥，引兵歸縣竹。厥恐朝廷討已，遣長史費
遠、健為太守。李苾督護常俊督萬餘人斷北道。次縣竹
之石亭，特密收合得七千餘人，夜襲遠軍，遠大潰。因放
火燒之，死者十八九。進攻成都，厥聞兵至，驚懼不知所

為李苾、張徵等夜斬闕，走出文武盡散。厥獨與妻子乘
小船走至廣都，為下人朱竺所殺。特至成都，縱兵大掠，
害西夷護軍姜發、殺厥長史袁洽。及厥所置守長，遣其
牙門王角、李基詣洛陽，陳厥之罪狀。先是，惠帝以涼州
刺史羅尚為平西將軍，領護西夷校尉，益州刺史督牙
門將王敦、上庸都尉義歆、蜀郡太守徐儉、廣漢太守辛
冉等凡七十餘人入蜀。特等聞尚來，甚懼，使其弟驤於
道奉迎，并貢寶物，尚甚悅。以驤為騎督，特及弟流復以
牛酒勞尚於縣竹。王敦辛冉並說尚曰：「特等流入，專為

盜賊急宜梟除可因會斬之尚不納冉先與特有舊因謂特曰故人相逢不言當凶矣特深自猜懼尋有符下秦雍州凡流入入漢川者皆下所在召還特兄輔素留鄉里託言迎家既至蜀謂特曰中國方亂不足復還特以爲然乃有雄據巴蜀之意朝廷以討趙廆功拜特宣威將軍封長樂鄉侯流爲奮威將軍武陽侯璽書下益州條列六郡流人與特協同討廆者將加封賞會辛冉以非次見徵不願應召又欲以滅廆爲己功乃寢朝命不以實上衆咸怨之羅尚遣從事催遣流人限七月上道

七二〇七十八

通志載事第五

卷二

鮑康

辛冉性貪暴欲殺流人首領取其資貨乃移檄發遣又令梓潼太守張演於諸曼施關搜索資貨特等固請求至秋收流人布在梁益爲人傭力及聞州郡逼遣人人愁怨不知所爲又知特兄弟頻請求停皆感而恃之且雨水將降年穀未登流人無以爲行資遂相與詣特特乃結大營於緜竹以處流人移冉求自寬冉大怒遣人分牒通達購募特兄弟許以重賞特見大懼悉取以歸與驤改其購云能送六郡之豪杰任閭趙揚上官及氏雙侯王一首賞百匹流人旣不樂移咸往歸特騁馬廩

轅同聲雲集旬月間衆過二萬流亦聚衆數千特乃分爲二營特居北營流居東營特遣閻式詣羅尚求申期式旣至見冉營柵衝要謀擒流人歎曰無寇而城讎必保焉今而速之亂將作矣又知冉及李苾意不可廻乃辭尚還繇竹尚謂式曰子且以吾意告諸流人今聽寬矣式曰明公或於姦說恐無寬理弱而不可輕者百姓也今促之不以理衆怒難犯恐爲禍不淺尚曰然吾不欺子子其行矣式至繇竹言於特曰尚雖云爾然未可必信也何者尚威刑不立冉等各擁疆兵一旦爲變亦

非尚所能制深宜爲備特納之冉苾相與謀曰羅侯貪而無斷日復一日流人得展姦計李特兄弟並有雄才吾屬將爲豎子虜矣宜爲決計不足復問之乃遣廣漢都尉曾元牙門張顯劉並等潛率步騎二萬襲特營羅尚聞之亦遣督護田佐助元特素知之乃繕甲厲兵戒嚴以待之元等至特安卧不動待其衆半入發伏擊之殺傷者甚衆害田佐曾元張顯傳首以示尚冉尚謂將佐曰此虜成去矣而廣漢不用吾言以張賊勢今將若之何於是六郡流人推特爲主特命六郡人部曲督李

合上邽令任臧始昌令閻式諫議大夫李攀陳倉令李
武陰平令李遠將兵都尉楊襲等上書請依梁統奉竇
融故事推特行鎮北大將軍承制封拜其弟流行鎮東
將軍以相鎮統於是進兵攻冉於廣漢冉衆出戰特每
破之尚遣李苾及費遠率衆救冉憚特不敢進冉智力
既窘出奔江陽特入據廣漢以李超爲太守進兵攻尚
於成都閻式遺尚書責其信用讒構欲討流人又陳特
兄弟立功王室以寧益土尚覽書知特等將有大志嬰
城固守求救於梁寧二州於是特自稱使持節大都督

鎮北大將軍承制封拜一依竇融在河西故事兄輔爲
驃騎將軍弟驤爲驍騎將軍長子始爲武威將軍次子
蕩爲鎮軍將軍少子雄爲前將軍李含爲西夷校尉含
子國離任回李恭上官晶李攀費佗等爲將帥任臧上
官博楊襲楊珪王達麴歆等爲爪牙李遠李博又斌嚴
璽上官琦李濤王懷等爲僚屬閻式爲謀主何巨趙肅
爲腹心時羅尚貪殘爲百姓患而特與蜀人約法三章
施捨振貸禮賢按滯軍政肅然百姓爲之謠曰李特尚
可羅尚殺我尚頗爲特所敗乃阻長圍豕水作營自都

安至犍爲七百里與特相距河間王顥遣督護衙博廣漢太守張徵討特南夷校尉李毅又遣兵五千助尚尚遣督護張龜軍繁城三道攻特特命蕩雄襲博特躬擊張龜龜衆大敗蕩又與博接戰連日博亦敗績死者大半蕩追博至漢德博走葭萌蕩進寇巴西巴西郡丞毛植五官襄珍以郡降蕩蕩撫恤初附百姓安之蕩進攻葭萌博又遠遁其衆盡降于蕩太安元年特自稱益州牧都督梁益二州諸軍事大將軍大都督改年建初赦其境內於是進攻張徵徵依高據險與特相持連日時

特與蕩分爲二營徵候特營空虛遣步兵循山攻之特逆戰不利山險窘逼衆不知所爲羅準任道皆勸引退特量蕩必來故不許徵衆至稍多山道至狹唯可三人行蕩軍不得前謂其司馬王幸曰父在深寇之中是我死日也乃衣重鎧持長矛大呼直前推鋒必死殺十餘人徵衆來相救蕩軍皆殊死戰徵軍遂潰特議欲釋徵還涪蕩與王幸進曰徵軍連戰士卒傷殘智勇俱竭宜因其弊遂擒之若舍而寬之徵養病收亡餘衆更合圖之未易也特從之復進攻徵徵潰圍走蕩水陸追之遂

害徵生擒徵子存以徵喪還之以騫碩爲德陽太守碩
略地至巴郡之墊江特之攻張徵也使李驤與李攀任
回李恭屯軍毗橋以備羅尚尚遣軍挑戰驤等破之尚
又遣數千人出戰驤又陷破之大獲器甲攻燒其門流
進次成都之北尚遣將張興僞降於驤以觀虛實時驤
軍不過二千人與夜歸白尚尚遣精勇萬人銜枚隨興
夜襲驤營李攀逆戰死驤及將士奔于流柵與流并力
廻攻尚軍尚軍亂敗還者十一二晉梁州刺史許雄遣
軍攻特特陷破之進擊破尚水上軍遂寇成都蜀郡太

守徐儉以小城降特以李璜爲蜀郡太守以撫之羅尚
據大城自守流進屯江西尚懼遣使求和是時蜀人危
懼並結村堡請命于特特遣人安撫之益州從事任明
說尚曰特旣凶逆侵暴百姓又分人散衆在諸村堡驕
怠無備是天亡之也可告諸村密尅期日內外擊之破
之必矣尚從之明先僞降特特問城中虛實明日米穀
已欲盡但有貨帛耳因求省家特許之明潛說諸村諸
村悉聽命還報尚尚許如期出軍諸村亦許一時赴會
二年惠帝遣荊州刺史宋岱建平太守孫阜救尚阜已

次德陽特遣蕩督李璜助任臧距阜尚遣大衆奄襲特營連戰二日衆少不敵特軍大敗收合餘卒引趣新繁尚軍引還特復追之轉戰三十餘里尚出大軍逆戰特軍敗績斬特及李輔李遠皆焚尸傳首洛陽在位二年其子雄僭稱王追謚特景王及僭號追尊曰景皇帝廟號始祖

李流字玄通特第四弟也少好學便弓馬東羌校尉何攀稱流有賁育之勇舉爲東羌督及避地益州刺史趙廞器異之廞之使岸台部衆也流亦招鄉里子弟得數

千人庄爲廞所殺流從特安慰流人破常俊於縣竹平趙廞於成都朝廷論功拜奮威將軍封武陽侯特之承制也以流爲鎮東將軍居東營號爲東督護特常使流督銳衆與羅尚相持特之陷成都小城使六郡流人分口入城壯勇督領村堡流言於特曰殿下神武已尅小城然山藪未集糧仗不多宜錄州郡大姓子弟以爲質任送付廣漢繫之二營收集猛銳嚴爲防衛又書與特司馬上官惇深陳納降若待敵之義特不納特旣死蜀人多叛流人大懼流與兄子蕩雄收遺衆還赤祖流保

東營蕩雄保北營流自稱大將軍大都督益州牧時宋
岱山水軍三萬次于墊江前鋒孫阜破德陽獲特所置守
將騫碩太守任臧等退屯涪陵縣羅尚遣督護常深軍
毗橋牙門左汜黃訔何沖三道攻北營流身率蕩雄攻
深柵剋之深士衆星散追至成都尚閉門自守蕩馳馬
追擊阜倚矛被傷死流以特蕩並死而岱阜又至甚懼
太守李含又勸流降流將從之雄與李驥迭諫不納流
遣子世及含子胡質於阜軍胡兄含子離聞父欲降自
梓潼馳還欲諫不及退與雄謀襲阜軍曰若功成事濟

李驥

通志載記卷第五

六十八

江表

約與君二年迭爲主雄曰今計可定二翁不從將若之
何離曰今當制之若不可制便行大事翁雖是君叔勢
不得已老父在君夫復何言雄大喜乃攻尚軍尚保大
城雄渡江害汶山太守陳圖遂入郫城流移營據之三
蜀百姓並保險結塢城邑皆空流野無所略士衆飢困
涪陵人范長生率千餘家依青城山尚參軍涪陵徐舉
求爲汶山太守欲娶結長生等與尚犄角討流尚不許
舉怒之求使江西遂降于流說長生等使資給流軍糧
長生從之故流軍復振流素重雄有長者之德每云興

吾家者必此人也勅諸子尊奉之流疾篤謂諸將曰驍騎高明仁愛識斷多奇固足以濟大事然前軍英雄殆天所相可共受事於前軍以爲成都王遂死時年五十六諸將共立雄爲主雄僭號追謚流秦文王

李庠字玄序特第三弟也少以烈氣聞仕郡督郵主簿皆有當官之稱元康四年察孝廉不就後以善騎射舉良將亦不就州以庠才兼文武舉秀異固以疾辭州郡不聽以其名上聞中護軍切徵不得已而應之拜中軍騎督弓馬便捷膂力過人時論方之文鴛以洛陽方亂

稱疾去官性在任俠好濟人之難州黨爭附之與六郡流人避難梁益道路有飢病者庠常營護隱恤振施窮乏大收衆心至蜀趙廩深器之與論兵法無不稱善每謂所親曰李玄序蓋亦一時之關張也及將有異志委以心膂之任乃表庠爲部曲督使招合六郡壯勇至萬餘人以討叛羌功表庠爲威寇將軍假赤幢曲蓋封陽泉亭侯賜錢百萬馬五千匹被殺之日六郡士庶莫不流涕時年五十五

李雄字仲雋特第三子也母羅氏夢雙虹自門升天一

虹中斷既而生蕩後羅氏因汲水忽然如寐又夢大蛇繞其身遂有孕十四月而生雄常言吾二子若有先亡在者必太貴蕩竟前死雄身長八尺三寸美容貌少以烈氣聞每周旋鄉里識達之士皆器重之有劉化者道術士也每謂人曰關隴之士皆當南移李氏子中惟仲雋有奇表終為人主特起兵於蜀承制以雄為前將軍流死雄自稱大都督大將軍益州牧都於郫城羅尚遣將攻雄雄擊走之李驥攻犍為斷尚運道尚軍大餒攻之又急遂留牙門羅特固守尚委城夜遁特閉門納雄

遂尅成都于時雄軍飢甚乃率衆就穀於郫掘野芋而食之蜀人流散東下江陽南入七郡雄以西山范長生巖居穴處求道養志欲迎立為君而臣之長生固辭雄乃深自挹損不敢稱制事無巨細皆決于李國李離兄弟國等事雄彌謹諸將固請雄即尊位以求興元年僭稱成都王赦其境內建元為建興除晉法約法七章以其叔父驥為太傅兄始為太保折衝李離為太尉建威李雲為司徒翊軍李璜為司空材官李國為太宰其餘拜授各有差追尊其曾祖武曰巴郡桓公祖慕隴西襄

王父特成都景王母羅氏曰王太后 范長生自山西乘
素輿詣成都雄迎之于門執版延坐 拜丞相尊曰范賢
長生勸雄稱尊號雄於是僭即帝位 赦其境內以年曰
太武追尊父特曰景帝廟號始祖 母羅氏為太后加范
長生為天地太師封西山侯 復其部曲不豫軍征租稅
一入其家雄時建國草創 素無法式諸將恃恩各爭班
位其尚書令閻式上疏曰夫為國制法 動尚仍舊漢晉
故事惟太尉大司馬執兵 太傅太保父兄之官論道之
職司徒司空掌五教九土之 差素置丞相總領萬機漢

武之末越以大將軍統政 今國業初建凡百未備 諸公
大將班位有差降而競請 施置不與典故相應 宜立制
度以為楷式雄從之遣李國 李雲等率眾二萬寇漢中
梁州刺史張殷奔于長安 國等陷南鄭盡徙漢中人於
蜀先是南土頻歲飢疫 死者十萬計南夷校尉李毅固
守不降雄誘建寧夷使討之 毅病卒城陷殺壯士三千
餘人送婦女千口於城都 時李離據梓潼其部將羅素
張金苟等殺離及閻式以梓 潼歸于羅尚尚遣其將向
奮屯安漢之宜福以逼雄 雄率眾攻奮不克時李國鎮

巴西其帳下文碩又殺國以巴西降尚雄乃引歸遣其將張寶襲梓潼陷之會羅尚卒巴郡亂李驤攻涪又陷之執梓潼太守譙登遂乘勝進軍討文碩害之雄大悅赦其境內改元曰玉衡雄母羅氏死雄信巫覡之言多有忌諱至欲不葬其司空趙肅諫雄乃從之雄欲申三年之禮羣臣固諫雄弗許李驤等固請雄遂起釋服親政是時南得漢嘉涪陵遠人繼至雄於是下寬大之令降附者皆假復除虛已愛人授用皆得其才益州遂定偽立其妻任氏為皇后以王楊難敵兄弟為劉曜所破

奔葭萌遣子入質隴西賊帥陳安又附之遣李驤征越雋太守李劍降驤進軍由小會攻寧州刺史王遜遜使其將姚岳悉眾距戰驤軍不利又遇霖雨驤引軍還至濟瀘水士眾多死劍到成都雄待遇甚厚朝廷儀式喪紀之禮皆決於劍楊難敵之奔葭萌也雄安北李稚厚撫之縱其兄弟還武都難敵遂恃險多為不法稚請討之雄遣中領軍琯及將軍樂次費他李乾等由白水橋攻下辯征東李壽督琯弟珩攻陰平難敵遣軍距之壽不得進而琯稚長驅至武街難敵遣兵斷其歸道四面

攻之獲珍稚死者數千人珍稚雄兄蕩之子也稚深悼之不食者數日言則流涕深自咎責焉其後將立蕩子班爲太子稚有子十餘人羣臣咸欲立稚所生稚曰起兵之初舉手扞頭本不希帝王之業也值天下喪亂晉氏播蕩羣情義舉志濟塗炭而諸君遂見推逼處王公之上本之基業功由先帝吾兄適統丕祚所歸恢懿明獻殆天所命大事垂尅薨于戎陣班姿性仁孝好學夙成必爲名器李驤與司徒王達諫曰先王樹冢適者所以防篡奪之萌不可不慎吳子捨其子而立其弟所以

萬曆十七年刊

通志載記第五

七三

監生程應龍

三百八十八册五

有專諸之禍宋宣不立與夷而立穆公卒有宋督之變猶子之言豈若子也深願陛下思之稚不從竟立班驤退而流涕曰亂自此始矣張駿遣使遺稚書勸去尊號稱藩於晉稚復書謙挹駿重其言使聘相繼巴郡嘗告急云有東軍稚曰吾常慮石勒跋扈侵逼琅邪以爲耿耿不圖乃能舉兵使人欣然稚之雅譚多如此類稚以中原喪亂乃頻遣使朝貢與晉穆帝分天下張駿領秦梁先是遣傅頴假道于蜀通表京師稚弟許駿又遣治中從事張淳稱藩于蜀託以假道稚與淳言我乃祖乃

父亦是晉臣琅邪若能中興晉於中夏亦當率衆歸之淳還通表京師天子嘉之具張駿傳中時李驤死以其子壽爲大將軍西夷校尉督征南費黑征東任祀攻陷巴東太守楊謙退保建寧壽別遣費黑寇建平晉巴東監軍毋丘奧退保宜都公遣李壽攻朱提以費黑卬攀爲前鋒又遣鎮南任回世本落分寧州之援寧州刺史尹奉降遂有南中之地於是赦其境內使班討平寧州夷以班爲撫軍咸和二年雄生瘍於頭六日死時年六十一在位三十年僞

太平御覽卷之八

通志載記卷之五

七十四

江一

都陵雄性寬厚簡刑約法甚有名稱氏符成文隗既降復叛手傷雄母及其來也咸釋其罪厚加待納由是夷夏安之威震西土時海內大亂而蜀獨無事故歸之者相尋雄乃興學校置史官聽覽之暇手不釋卷其賦男丁歲穀三斛女丁半之戶調絹不過數文綿數兩事少役稀百姓富實閭閻不閉無相侵盜然雄意在招致遠方國用不足故諸將每進人銀珍寶多有以得官者丞相楊襄諫曰陛下爲天下當網羅四海何有以官買金邪雄遜辭謝之後雄嘗酒醉而推中書令杖太官

駸進曰天子穆穆諸侯皇皇安有天子而為醜也雄即捨之雄無事小出褻於後持矛馳馬過雄雄怪問之對曰夫統天下之重如臣乘惡馬而持矛也急之則慮自傷緩之則懼其失是以馬馳而不制也雄寤即還雄為國無威儀官無祿秩班序不別君子小人服章不殊行軍無號令用兵無部隊戰勝不相讓敗不相救攻城破邑動以虜獲為先此其所以失也

班字世文初署平南將軍後立為太子班謙虛博納敬愛儒賢自何點李釗班皆師之又引名士王叡及隴西

畫駸天水文嬰等以為賓友每請駸等曰觀周景王太子晉魏太子不吳太子孫登文章懿識超然卓絕未嘗不有慙色何古賢之高朗後人之莫遠也為性汎愛動滯軌度時諸君子第皆尚奢靡而班常戒厲之每朝有大議雄輒令豫之班以古者墾田均平貧富獲所今貴者廣占荒田貧者種殖無地富者以已所餘而賣之此豈王者大均之義乎雄納之及雄寢疾班晝夜侍側雄少數交戰多被傷夷至是疾甚痕皆膿潰雄子越等惡而遠之班為吮膿殊無難色每嘗樂流涕不脫衣冠其

等誠如此雄死嗣僞位以李壽錄尚書事輔政班居中
執喪禮政事皆委壽及司徒何點尚書令王瓌等越時
鎮江陽以班非雄所生意甚不平至此奔喪與其弟期
密計圖之李珣勸班遣越還江陽以期為梁州刺史鎮
葭萌班以未葬不忍遣推誠居厚心無纖介時有白氣
二道帶天太史令韓毅奏宮中有陰謀兵氣戒在親戚
班不悟咸和九年班因夜與越殺班於殯宮時年四十
七在位一年遂立雄之子期嗣位焉

期字世運雄第四子也聰慧好學弱冠能屬文輕財好

施虛心招納初為建威將軍雄令諸子及宗室子弟以
恩信合衆多者不至數百而期獨致千餘人其所表薦
雄多納之故長史列署頗出其門既殺班欲立越為主
越以期雄妻任氏所養又多才藝乃讓位於期於是僭
即皇帝位大赦境內改元玉恒誅班弟都使李壽伐都
弟珣於涪珣棄城降晉封壽漢王拜梁州刺史東莞校
尉中護軍錄尚書事封兄越建寧王拜相國大將軍錄
尚書事立妻閻氏為皇后以其衛將軍尹奉為右丞相
驃騎將軍出書令王瓌為司徒期自以謀大事既果輕

諸舊臣外則信任尚書令景騫尚書姚華田褒褒無他才藝雄時勸立期故寵待甚厚內則信宦豎許涪等國之刑政希復關之卿相慶賞威刑皆決數人而已於是網維紊矣乃誣其尚書僕射武陵公李載謀反下獄死先是晉建威將軍司馬勲屯漢中期遣李壽攻而陷之遂置守宰戍南鄭雄子霸保並不病而死皆云期鴆殺之於是大臣懷懼人不自安天雨大魚於宮中其色黃又宮中豕犬交期多所誅夷籍沒婦女資財以實後庭內外兇兇道路以目諫者獲罪人懷苟免期又鴆殺其

萬曆十七年

通志載記第五

七十七

監生高應宸
三百八十八毛有光

安北李攸攸壽之養弟也於是與越及景騫田褒姚華謀襲壽等欲因燒市橋而發兵期又累遣中常侍許涪至壽所伺其動靜及殺攸壽大懼又疑許涪往來之數也乃率步騎一萬自涪向成都表稱景騫田褒亂政興晉陽之甲以除君側之惡以李弈爲先登壽到成都期越不虞其至素不設備壽遂取其城屯兵宮門期遣侍中勞壽壽奏相國建寧王越尚書令河南公景騫尚書田褒姚華中常侍許涪征西將軍李遐及將軍李西等皆懷姦亂政謀傾社稷大逆不道罪合夷滅期從之於

是殺越騫等壽矯任氏令廢期為卍部公幽之別宮
期歎曰天下主乃當為小縣公不如死也咸康二年自
縊而死時年二十五在位三年謚曰幽公及葬賜鸞輅
九旒餘如王禮雄之子皆為壽所殺

壽字武考驥之子也敏而好學雅量豁然少尚禮容異
於李氏諸子雄奇其才以為足荷重任拜前將軍督巴
西軍事遷征東將軍時年十九聘虜士譙秀以為賓客
盡其讜言在巴西威惠甚著驥死遷大將軍大都督侍
中封扶風公錄尚書事征寧州攻圍百餘日悉平諸郡

雄大悅封建寧王雄死受遺輔政期立改封漢王食梁
州五郡領梁州刺史壽威名遠振深為李越景騫等所
憚壽深憂之代李珩屯涪每應期朝覲常自陳邊疆寇
警不可曠鎮故得不朝壽又見期越兄弟十餘人年方
壯大而並有彊兵懼不自全乃數聘禮巴西龔壯壯雖
不應聘數往見壽時岷山崩江水竭壽惡之每問壯以
自安之術壯以特殺其父及叔欲假手報仇未有具由
因說壽曰節下若能捨小從大以危易安則開國裂土
名高擅文勳流百代矣壽從之陰襲長史略

陽羅恒巴西解思明共謀據成都稱藩歸順乃誓文武
得數千人龍衣成都尅之縱兵虜掠至乃姦略雄女及李
氏諸婦多所殘害數日乃定恒與思明及李弈王利等
勸壽稱鎮西將軍益州牧成都王稱藩於晉而任調與
司馬蔡興侍中李豔及張烈等勸壽自立壽命筮之占
者曰可數年天子調喜曰一日尚爲足而況數年乎思
明曰數年天子孰與百世諸侯壽曰朝聞道夕死可矣
任侯之言策之上也遂以咸康四年僭即偽位赦其境
內改元爲漢興以董皎爲相國羅恒馬當爲股肱李弈

任調李閔爲爪牙解思明爲謀主以安車束帛聘龔壯
爲太師壯固辭特聽縞巾素帶居師友之位拔擢幽滯
處之顯列追尊父驤爲獻帝母咎氏爲太后立妻閻氏
爲皇后世子勢爲太子有告廣漢太守李乾與大臣通
謀欲廢壽者壽令其子廣與大臣盟于前殿徙乾漢壽
太守大風暴雨震其端明壽深自悔責命羣司極盡忠
言勿拘忌諱遣其散騎常侍王嘏中常侍王廣聘於石
虎先是虎遺書欲連橫入寇約分天下壽大悅乃大
脩船艦嚴兵繕甲吏卒皆備檣撞以其尚書令馬當爲

六軍都督假節鈔營東場大閱軍士七萬餘人舟師沂江而上過成都鼓譟盈江壽登城觀之其羣臣咸曰我國小衆寡吳會嶮遠圖之未易鮮思明又切諫懇至壽於是命羣臣議其利害龔壯諫曰陛下與胡通孰如與晉通胡豺狼國也晉旣滅不得不北面事之若與之事天下則彊弱勢異此虞虢之成範已然之明戒願陛下孰慮之羣臣以壯之言爲然叩頭泣諫壽乃止士衆咸稱萬歲遣其鎮東大將軍李弈征牂柯太守謝恕保城距守者積日不拔會弈糧盡引還壽以其太子勢領大

將軍錄尚書事壽承雄寬儉新行篡奪因循雄政未逞其志欲會李閔王叡從鄴還盛稱虎威彊宮觀美麗鄴中殷實壽又聞虎虐用刑法王遜亦以殺罰御下並能控制邦域壽心欣慕人有小過輒殺以立威又以郊甸未實都邑空虛工匠器械事未充盈乃徙傍郡戶三丁已上以實成都興尚方御府發州郡工巧以充之廣脩宮室引水入城務於奢侈又廣太學起讌殿百姓疲於使役呼嗟蒲道思亂者十室而九矣其左僕射蔡興切諫壽以爲誹謗誅之右僕射李嶷數以直言忤旨壽

忿非一託以他罪下獄殺之壽疾篤常見李期蔡與為
崇八年壽死時年四十四在位五年偽謚昭文帝廟曰
中宗墓曰安昌陵壽初為王好學愛士庶幾善道每覽
良將賢相建功立事者未嘗不反覆誦之故能征伐四
剋闢國千里雄既垂心於上壽亦盡誠於下號為賢相
及即偽位之後改立宗廟以父驤為漢始祖廟特雄為
大成廟又下書言與期越別族凡諸制度皆有改易公
卿以下率用已之僚佐雄時舊臣及六郡士人皆見廢
黜壽初病思明等復議奉王室壽不從李演自越舊上
書勸壽歸正返本釋帝稱王壽怒殺之以威龔壯思明
等壯作詩七篇託言應璩以諷壽壽報曰省詩知意若
今人所作賢哲之詒言也古人所作死鬼之常辭耳動
慕漢武魏明之所為耻聞父兄時事上書者不得言先
世政化自以已勝之也

勢字子仁壽之長子也初壽妻閻氏無子驤殺李鳳為
壽納鳳女生勢期愛勢姿貌拜翊軍將軍漢王世子勢
身長七尺九寸鬢帶十四圍善於俯仰時人異之壽死
勢嗣偽位赦其境內改元曰太和尊母閻氏為太后妻

李氏為皇后太史令韓皓奏熒惑守心以宗廟禮廢勢
命羣臣議之其相國董皎侍中王嘏等以為景武昌業
獻文承基至親不遠無宜踈絕勢更令祭特雄同號曰
漢王勢弟大將軍漢王廣以勢無子求為太弟勢弗許
焉當解思明以勢兄弟不多若有所廢則益孤危固勸
許之勢疑當等與廣有謀遣其太保李弈龍及廣於涪城
命董皎收焉當思明斬之夷其二族貶廣為臨邛侯廣
自殺思明有計謀彊諫諍焉當甚得人心自此之後無
復紀綱及諫諍者李弈自晉壽舉兵反之蜀人多有從

者衆至數萬勢登城距戰弈單騎突門門者射而殺之
衆乃潰散勢既誅弈大赦境內改年嘉寧初蜀土無獠
至此始從山而出北至犍為梓潼布在山谷十餘萬落
不可禁制大為百姓之患勢既驕吝而性愛財色常殺
人而取其妻荒淫不恤國事夷獠叛亂軍守離缺境宇
日蹙加之荒儉性多忌害誅殘大臣刑獄濫加人懷危
懼斥外父祖臣佐親任左右小人羣小因行威福又常
居內少見公卿史官屢陳災譴乃加董皎太師以名位
優之實欲與分災責大司馬桓溫率水軍伐勢溫次青

衣勢大發軍距守又遣李福與督堅等數千人從小陽
趣合水距溫謂溫從步道而上諸將皆欲設伏於江南
以待王師督堅不從率諸軍從江北鴛鴦碕渡向犍爲
而溫從山陽出江南督堅到犍爲方知與溫異道乃廻
從沙頭津北渡及堅至溫已造成都之十里陌督堅衆
自潰溫至城下縱火燒其大城諸門勢衆惶懼無復固
志其中書監王叡散騎常侍常璩等勸勢降勢以問侍
中馮孚孚言昔吳漢征蜀盡誅公孫氏今晉下書不赦
諸李雖降恐無全理勢乃夜出東門與督堅走至晉壽

然後送降文於溫曰僞嘉寧二年三月十七日略陽李
勢叩頭死罪伏惟大將軍節下先人播流恃險因釁竊
有汶蜀勢以闇弱復統末緒偷安苻苒未能改圖猥煩
朱軒踐冒險阻將士狂愚干犯天威仰慙俯愧精魂飛
散甘受斧鑕以釁軍鼓伏惟大晉天網恢弘澤及四海
恩過陽日逼迫倉卒自投草野即日在白水城謹遣私
署散騎常侍王幼奉牋以聞并勅州郡投戈釋杖窮池
之魚待命漏刻勢尋輿攬而縛軍門溫解其縛焚其櫬
遷勢及弟福以兄權親族十餘人于建康封勢歸義侯

升平五年死于建康在位五年而敗始李特以惠帝太安元年起兵至此六世凡四十六年以穆帝永和三年滅

後涼

呂光字世明略陽氏人也其先呂文和漢文帝初自沛避難徙焉世爲酋豪父婆樓佐命苻堅官至太尉光生于枋頭夜有神光之異故以光爲名年十歲與諸童兒游戲邑里爲戰陣之法儔類咸推爲主部分詳平羣童歎服不樂讀書唯好鷹馬及長身長八尺四寸目重瞳

萬曆十七年

通志載記第五

八十四

監生
三百四十五毛有光

子左肘有肉印沉毅凝重寬簡有大量喜怒不形于色時人莫之識也唯王猛異之曰此非常人言之苻堅舉賢良除美陽令夷夏愛服遷鷹揚將軍從堅征張平戰于銅壁刺平養子蚝中之自是威名大著苻雙反于秦州堅將楊成世爲雙將苟興所敗光與王鑒討之鑒欲速戰光曰興初破成世姦氣漸張宜持重以待其弊興乘勝輕來糧竭必退退而擊之可以破也二旬而興退諸將不知所爲光曰揆其姦計必攻榆眉若得榆眉據城斷路資儲復贍非國之利也宜速進師若興攻城尤

須赴救如其奔也被糧既盡可以滅之鑒從焉
軍從王猛滅慕容暉封都亭侯苻重之鎮洛陽以光為
長史及重謀反苻堅聞之曰呂光忠孝方正必不同也
馳使命光檻重送之尋入為太子右率甚見敬重蜀人
李焉聚眾二萬攻逼益州堅以光為破虜將軍率兵討
滅之遷步兵校尉苻洛反光又擊平之拜驍騎將軍堅
既平山東士馬彊盛遂有圖西域之志乃授光使持節
都督西討諸軍事率將軍姜飛彭晃杜進康盛等總兵
七萬鐵騎五千以討西域以隴西董方馮翊郭抱武威

賈度弘農楊穎為四府佐將堅太子宏執光手曰君器
相非常必有大福宜深保愛行至高昌聞堅寇晉光欲
更頹後命部將杜進曰節下受任金方赴機宜遠有何
不了而更留乎光乃進及流沙三百餘里無水將士失
色光曰吾聞李廣利精誠玄感飛泉涌出吾等豈獨無
感致乎皇天必將有濟諸君不足憂也俄而大雨平地
三尺進兵至焉耆其王泥流率其旁國請降龜茲王帛
絕距光軍其城南五里為一營深溝高壘廣設疑兵
以木為人披之以甲羅之壘上帛純驅徙城外人入于

中附庸侯王各嬰城自守至是光左臂內脉起成字
文曰巨霸營外夜有一黑物大如斷堤搖動有頭角目
光若電及明而雲霧四周遂不復見旦視其處南北五
里東西三十餘步鱗甲隱地之所昭然猶在光笑曰黑
龍也俄而雲起西北暴雨滅其跡杜進言於光曰龍者
神獸人君利見之象易曰見龍在田德施普也斯誠明
將軍道合靈和德符幽顯願將軍勉之以成大慶光有
喜色又進攻龜茲城夜夢金象飛越城外光曰此謂佛
神去之胡必亡矣光攻城既急帛純乃傾國財寶請救

獯胡獯胡弟唵龍侯將道率騎二十餘萬并引温宿尉
須等國王合七十餘萬以救之胡便弓馬善矛稍鎧如
連鏃射不可入以葦索為繡策馬擲人多有中者衆甚
憚之諸將咸欲每營結陣案兵以距之光曰彼衆我寡
營又相遠勢分力散非良策也於是遷營相接陣為句
鏃之法精騎為游軍彌縫其闕戰于城西大敗之斬萬
餘級帛純取其珍寶而走王侯降者三十餘國光入其
城大饗將士賦詩言志見其宮室壯麗命參軍京兆段
業著龜茲宮賦以譏之胡人亦竟服尊於養生家有蒲排

酒或至千斛經十年不敗士卒淪沒酒藏者相繼矣諸國憚光威名貢款屬路乃立帛純弟震爲王以安之光撫寧西域威恩甚著築黠胡王昔所未賓者不遠萬里皆來歸附上漢所賜節傳光皆表而易之堅聞光平西域以爲使持節散騎常侍都督玉門巴西諸軍事安西將軍西域校尉道絕不通光旣平龜茲有留焉之志時始獲鳩摩羅什羅什勸光東還有福地可居光於是大饗文武博議進止衆咸請還光從之以駝一萬餘頭致外國珍寶及奇伎異戲殊禽怪獸千有餘品駿馬萬餘

匹而苻堅高昌太守楊翰說其涼州刺史梁熙距守高桐伊吾二關熙不從光至高昌翰以郡迎降初光聞翰之說惡之又聞苻堅喪敗長安危逼謀欲停師杜進諫曰梁熙文雅有餘機鑿不足終不能納善從說也願不足憂之聞其上下未同宜在速進進而不捷請受過言之誅光從之及至玉門梁熙傳檄責光擅命還師遣子胤與振威姚皓別駕衛翰率衆五萬距光于酒泉光報檄涼州責熙無赴難之誠數其過歸師之罪遣彭晃杜進姜飛等爲前鋒擊胤大敗之胤輕將麾下數百騎東

奔杜進追擒之於是四山胡夷皆求款附武威太守彭
濟執熙請降光入姑蘇自領涼州刺史護羌校尉表杜
進爲輔國將軍武威太守封武始侯自餘封拜各有差
光主簿尉祐女奴倭傾薄人也見棄前朝與彭濟同謀執
梁熙光深見寵任乃譖誅南安姚皓天水尹景等名士
十餘人遠近頗以此離貳光尋擢祐爲寧遠將軍金城
太守祐次允吾龔據外城以叛祐從弟隨據鷓陰以應
之光遣其將魏眞討隨隨敗奔祐光將姜飛又擊敗祐
衆祐奔據興城扇動百姓夷夏多從之飛司馬張象參

軍郭雅謀殺飛應祐發覺逃奔初苻堅之敗張天錫南
奔其世子大豫爲長水校尉下穆所匿及堅還長安穆
將大豫奔亮髮思復韃思復韃送之魏安是月魏安人
焦松齊肅張濟等起兵數千迎大豫於揖次陷昌松郡
光遣其將杜進討之爲大豫所敗大豫遂進逼姑臧求
決勝負王穆諫曰呂光糧豐城固甲兵精銳逼之非利
不如帶卷嶺西厲兵積粟東向而爭不及暮年可以平
也大豫不從乃遣穆求救於嶺西諸郡建康太守李隰
祁連都尉嚴純及閻襲起兵應之大豫進屯城西王穆

率衆三萬及思復韃子奚于等陣于城南光出擊破之
斬奚于等二萬餘級光謂諸將曰大豫若用王穆之言
恐未可平也諸將曰大豫豈不及此邪皇天欲贊成明
公八百之業故令大豫迷於良莠耳光大悅賜金帛有
差大豫自西郡詣臨洮驅略百姓五千餘戶保據俱城
光將彭晃徐灵攻破之大豫奔廣武穆奔建康廣武人
執大豫送之斬于姑臧市光至是始聞苻堅爲姚萇所
害奮怒哀號三軍爲素大臨于城南偽謚堅曰文昭皇
帝二月石已上服斬縗三月庶人哭泣三日光於是

大將軍曰元曰太安自稱使持節侍中中外大都督
督隴古河西諸軍事大將軍領護匈奴中郎將涼州牧
酒泉公王穆襲據酒泉自稱大將軍涼州牧時穀價踊
貴斗直五百人相食死者大半光西平太守康寧自稱
匈奴王阻兵以叛光屢遣討之不捷初光之定河西也
杜進有力焉以爲輔國將軍武威太守旣居都尹權高
一時出入羽儀與光相亞光甥石聰至自關中光曰中
州人言吾政化何如聰曰止知有杜進耳實不聞有舅
光默然因此誅進光後讌羣僚酒酣語及政事時刑法

收重參軍段業進曰嚴刑重憲非明王之義也光曰商
鞅之法至峻而兼諸侯兵起之術無親而荆蠻以霸何
也業曰明公受天眷命方君臨四海景行堯舜猶懼有
弊奈何欲以商申之末法臨道義之神州豈此州士女
所望於明公哉光改容謝之於是下令責躬乃崇寬簡
之政其將徐靈與張掖太守彭晃謀叛光遣師討灵灵
奔白晃晃東結康寧西通穆光議將討之諸將咸曰今
康寧在南阻兵伺隙若大駕西行寧必乘虛出于嶺左
晃穆未平康寧復至進退狼狽勢必大危光曰事勢實

如卿言今而不往當坐待其來晃穆共相脅齒寧又同
惡相救東西交至城外非吾之有若是大事去矣今晃
叛逆始爾寧穆與之情契未密及其倉卒取之為易且
隆替命也卿勿復言光於是自率步騎二萬倍道兼行
既至攻之二旬晃將寇顓斬關納光於是誅彭晃王穆
以其黨索嘏為敦煌太守既而忌其威名率眾攻嘏光
聞之謂諸將曰二虜相攻此成擒也光將攻之眾咸以
為不可光曰取亂侮亡武之善經不可以累征之勞而
失求逸之舉率步騎二萬攻酒泉剋之進次涼興穆引

師東還路中衆散穆單騎奔驛馬驛馬令郭文斬首送之是時麟見金澤縣百獸從之光以爲已瑞以孝武太元十四年僭即三河王位置百官自丞郎已下赦其境內年號麟嘉光妻石氏子紹弟德世至自仇池光迎于城東大饗羣臣遣其子左將軍他虎賁中郎將纂討北虜匹勤于三巖山大破之立妻石氏爲王妃子紹爲世子讌其羣臣于內苑新堂太廟新成追尊其高祖爲敬公曾祖爲恭公祖爲宣公父爲景昭王母曰昭烈妃其中書侍郎楊穎上疏請依三代故事追尊呂望爲始祖

永爲不遷之廟光從之是歲張掖督郵傳曜考覈屬縣而丘池令尹興殺之投諸空井曜見夢於光曰臣張掖郡小吏案校諸縣而丘池令尹興賊狀狼藉懼臣言之殺臣投於南亭空井中臣衣服形狀如是光寤而猶見久之乃滅遣使覆之如夢光怒殺興著作郎段業以光未能揚清激濁使賢愚殊貫因瘞疾于天梯山作表志詩九歎七諷十六篇以諷焉光覽而悅之南羌彭奚念入攻白土都尉孫特退奔興城光遣其南中郎將呂方及其弟右將軍呂寶振威楊範彊弩寶善討之伏乾歸

于金城方屯河北寶進師濟河為乾歸所敗寶死之虎
賁呂纂彊弩雷晉率步騎五千南討彭奚念戰于盤夷
大敗而歸光親討乾歸奚念遣纂及揚武楊軌建忠沮
渠羅仇建武梁恭軍于左南奚念大懼於白土津累石
為堤以水自固遣精兵一萬距守河津光遣將軍王寶
潛趣上津夜度湟河光濟自石堤攻剋袍罕奚念單騎
奔甘松光振旅而旋初光徙西海郡人於諸郡至是謠
曰胡馬心何悲念舊中心勞燕雀何徘徊意欲還故巢
頃之遂相扇動復徙之于西河樂部羣議以高昌雖在

西垂地居形勝外接胡虜易生翻覆宜遣子弟鎮之光
以子覆為使持節鎮西將軍都督玉門已西諸軍事西
域大都護鎮高昌命大臣子弟隨之光於是以太元二
十一年僭即天王位大赦境內改年龍飛立世子紹為
太子諸子弟為公侯者二十人中書令王詳為尚書左
僕射段業等五人為尚書乾歸從弟軻彈來奔光下書
曰乾歸狼子野心前後反覆朕方東清秦趙勒銘會稽
豈令豎子鷓峙洮南且其兄弟內相離間可乘之機勿
過今也其勅中外戒嚴朕當親討光於是次于長最使

呂纂率楊軌竇苟等步騎二萬攻金城乾歸率衆二萬救之光遣其將王寶徐晃率騎五千邀之乾歸懼而不進光又遣其將梁恭金石生以甲卒萬餘出陽武下峽與秦州刺史沒弈于攻其東光弟天水公延以袍罕之衆攻臨洮武始河關皆剋之呂纂剋金城擒乾歸金城太守衛鞬鞬瞋目謂光曰我寧守節斷頭不爲降虜也光義而免之乾歸因大震泣歎曰死中求生正在今日也乃縱反間稱乾歸衆潰東奔成紀呂延信之引師輕進延司馬耿稚諫曰乾歸雄勇過人權略難測破王廣

剋揚定皆羸師以誘之雖蕞爾小國亦不可輕也因歎猶鬪沉乾歸而可望風自散乎且告者視高而色動必爲姦計而今宜部陣而前步騎相接徐待諸軍大集可一舉滅之延不從與乾歸相遇戰敗死之耿稚及將軍姜顯收集散卒屯于袍罕光還于姑臧光荒毫無信讒殺尚書沮渠羅仇三河太守沮渠鞠羅仇弟子蒙遜叛光殺中田護軍馬邃攻陷臨松郡屯兵金山大爲百姓之患蒙遜從兄男成先爲將軍守晉昌聞蒙遜起兵逃奔賀虜扇動諸夷衆至數千進攻福祿建安寧戎護軍

趙策擊敗之男成退屯樂涇呂纂敗蒙遜于忽谷酒泉
太守壘澄率將軍趙策趙陵步騎萬餘討男成于樂涇
戰敗澄策死之男成退攻建康說太守段業曰呂氏政
衰權臣擅命刑罰失中人不堪役一州之地叛者連城
瓦解之形昭然在目百姓嗷然無所宗附府君豈可以
蓋世之才而立忠於垂亡之世男成等既唱大義欲屈
府君撫臨鄙州使塗炭之餘蒙來蘇之惠業不從相持
二旬而外救不至郡人高達史惠等言於業曰今孤城
獨立臺無救援府君雖心過田單而地非即墨宜思高

業轉禍爲福業先與光侍中房晷僕射王詳不平慮不
自容乃許之男成等推業爲大都督龍驤大將軍涼州
牧建康公光命呂纂討業沮渠蒙遜進屯臨洮爲業聲
勢戰于合離纂師大敗光散騎常侍太常郭馨明天文
言占候謂王詳曰於天文涼之分野將有大兵主上老
病太子沖闇纂等凶武一旦不諱必有難作以吾二人
久居內要常有不善之言恐禍及人深宜慮之田胡王
氣之機部衆最彊二苑之人多其故衆吾今與公唱義
推機爲主則二苑之衆盡我有也尅城之後徐更圖之

詳以爲然夜燒光洪範門二苑之衆比附之詳爲內應
事發光誅之麴遂據東苑以叛光馳使召纂諸將勸纂
曰業聞師廻必躡軍後若潛師夜還庶無後患矣纂曰
業雖憑城阻衆無雄略之才若夜潛還張其姦志乃遣
使告業曰郭麴作亂吾今還都卿能決者可出戰於是
引還業不敢出纂司馬楊統謂其從兄拒曰郭麴明善
天文起兵其當有以京城之外非復朝廷之有纂今還
都復何所補統請除纂勒兵推兄爲盟主西襲呂弘據
張掖以號令諸郡亦千載一時也拒怒曰吾聞臣子之

事君親有隕無二吾未有包胥存救之効豈可安樂其
祿亂增其難乎呂宗若敗吾爲弘演矣統懼至奮木遂
奔郭麴麴遣軍邀纂于白石纂大敗光西安太守石元
良率步騎五千赴難與纂擊麴軍破之遂入于姑臧麴
之叛也得光孫八人于東苑及軍敗志甚悉投之于鋒
刃之上被分節解飲血盟衆衆皆掩目不忍視之麴悠
然自若麴推後將軍楊軌爲盟主軌自稱大將軍涼州
牧西平公呂纂擊麴將王斐于城西大破之自是麴勢
衰光遺楊軌書責以大義軌不答率步騎二萬北赴

郭麇至姑臧壘于城北軌以士馬之盛議欲大決成敗
麇每以天文裁之呂弘為段業所逼光遣呂纂迎之軌
謀於衆曰呂弘精兵一萬若與光合則敵彊我弱養獸
不討將為後患遂率兵邀纂纂擊敗之郭麇聞軌敗東
走魏安遂奔于乞伏乾歸楊軌聞麇走南奔廉川光疾
甚立其太子紹為天王自號太上皇帝以呂纂為太尉
呂弘為司徒謂紹曰吾疾病唯增恐將不濟二寇闖關
迭伺國隙吾終之後使纂統六軍弘管朝政汝恭已無
為委重二兄庶可以濟若內相猜貳纂起蕭牆則晉趙

之變旦夕至矣又謂纂弘曰永業才非撥亂直以正嫡
有常猥居元首今外有彊寇人心未寧汝兄弟緝穆則
貽累萬世若內自相圖則禍不旋踵纂弘泣曰不敢有
二心先以安帝隆安三年死時年六十三在位十年僞
謚懿武皇帝廟號太祖墓號高陵

纂字永緒先之庶長子也少便弓馬好鷹犬符堅時入
太學不好讀書唯以交結公侯聲樂為務及堅亂西奔
上邽轉至姑臧拜虎賁中郎將封太原公先死呂紹祕
不發喪纂排閣入哭盡哀而出紹懼為纂所害以位讓

之曰兄功高年長宜承大統願兄勿疑纂纂曰臣雖年長
陛下國之冢嫡不可以私愛而亂大倫紹固以讓纂纂
不許之及紹嗣僞位呂超言於紹曰纂統戎積年威震
內外臨喪不哀步高視遠觀真舉止亂常恐成大變宜
早除之以安社稷紹曰先帝顧命音猶在耳兄弟至親
豈有此乎吾弱年而荷大任方賴二兄以寧家國縱其
圖我我視死如歸終不忍有此意也卿慎勿過言超曰
纂威名素盛安忍無親今不圖之後必噬臍矣紹曰吾
每念袁尚兄弟未嘗不痛心忘寢食寧坐而死豈忍行

之超曰聖人稱知機其神陛下臨機不斷臣見大事去
矣既而纂見紹於湛露堂超執刀侍紹曰纂請取之紹
弗許初光欲立弘爲世子會聞紹在仇池乃止弘由是
有憾於紹遣尚書姜紀密告纂曰先帝登遐主上闇弱
兄總攝內外威恩被子遐通輒欲遠追廢昌邑之義以
兄爲中宗何如纂於是夜率壯士數百踰北城攻廣夏
門弘率東苑之衆斫洪範門左衛齊從守融明觀逆問
之曰誰也衆曰太原公從曰國有大故主上新立太原
公行不由道夜入禁城將爲亂邪因抽劍直前斫纂中

額纂左右擒之纂曰義士也勿殺紹遣虎賁中郎將呂
開率其禁兵距戰於端門驍騎呂超率卒二千赴之衆
素憚纂悉皆潰散纂入自青角門升于謙光殿紹登紫
閣自殺呂超出奔廣武纂憚弘兵彊勸弘即位弘曰自
以紹弟也而承大統衆心不順是以違先帝遺勅慙負
黃泉今復越兄而立何面目以視息世間大兄長且賢
威名振于二賊宜速即大位以安國家纂以隆安四年
遂僭即天王位大赦境內改元爲咸寧謚紹爲隱王以
弘爲使持節侍中大都督都督中外諸軍事大司馬車

晉書十七年

通志載記第五

九十八

監生高應宸
三百八十八 列月

騎大將軍司隸校尉錄尚書事改封番禾郡公其餘封
拜各有差纂謂齊從曰卿前斫我一何甚也從泣曰隱
王先帝所立陛下雖應天順時而微心未達唯恐陛下
不死何謂甚也纂嘉其忠善遇之纂遣使謂征東呂方
曰超實忠臣義勇可嘉但不識經國大體權變之宜方
賴其忠節誕濟世難可以此意諭之超上疏陳謝纂復
其爵位呂弘自以功名崇重恐不爲纂所容纂亦深忌
之弘遂起兵東苑劫尹文楊桓以爲謀主請宗爨俱行
爨曰老臣受先帝大恩位爲列棘不能隕身授命死有

餘罪而復從殿下親爲戎首者豈天地所容乎且智不能謀衆不足恃將焉用之弘曰君爲義士我爲亂臣乃率兵攻篡篡遣其將焦辨擊弘弘衆潰出奔廣武篡縱兵六掠以東苑婦女賞軍弘之妻子亦爲士卒所辱篡笑謂群臣曰今日之戰何如其侍中房晷對曰天禍涼室豐起戚藩先帝始崩隱王幽逼山陵甫訖大司馬驚疑肆逆京邑交兵友于接刃雖弘自取夷滅亦由陛下無崇棟之義宜若已責躬以謝百姓而反縱兵六掠幽辱士女豐自由弘百姓何罪且弘妻陛下之弟婦也弘

女陛下之姪女也奈何使無賴小人辱爲婢妾天地神明豈忍見此遂獻劾悲泣篡改容謝之召弘妻及男女于東宮厚撫之呂方執弘繫獄馳使告篡篡遣力士康龍拉殺之是月立其妻楊氏爲皇后以楊氏父桓爲散騎常侍尚書左僕射涼都尹封金城侯篡將伐禿髮利鹿孤中書令楊穎諫曰夫起師動衆必參之天人苟非其時聖賢所不爲禿髮利鹿孤上下用命國未有豐不可以伐宜繕甲養銳勸課農殖待可乘之機然後一舉蕩滅此年多事公私罄竭不深根固本恐爲患將來顛

御赫斯之怒思萬全之筭纂不從度浩豐河為鹿狐第
得禮所敗遂西襲張掖姜紀諫曰方今盛夏百姓廢農
所利既少所喪者多若帥至領西虜必乘虛寇抄都下
宜且迴師以為後圖纂曰虜無大志聞朕西征正可自
固耳今速襲之可以得志遂圍張掖略地建康聞傳檀
寇姑臧乃還即序胡安據盜發張駿墓見駿貌如生得
真珠籠琉璃盃白玉樽赤玉簫紫玉笛珊瑚鞭馬腦鍾
水陸奇珍不可勝紀纂誅安據黨五十餘家遣使弔祭
駿并繕脩其墓道上句摩羅耆婆言於纂曰潛龍屢出

豕犬見妖將有下人謀上之禍宜增脩德政以答天戒
纂納之耆婆即羅什之別名也纂游田無度荒耽酒色
其太常楊穎切諫纂曰朕之罪也不有貞亮之士誰匡
邪僻之君然昏虐自任終不能改常與左右因醉馳獵
於坑澗之間殿中侍御史王回中書侍郎王儒復叩馬
以諫纂不納纂遣太宰呂超擅伐鮮卑思盤思盤遣
弟乞珍訴超於纂纂召超將盤入朝超至姑臧大懼自
結於殿中監杜尚纂見超怒曰卿恃兄弟桓桓欲欺吾
也要當斬卿然後天下可定超頓首不敢纂因引起及

其諸臣讌于內殿呂隆屢勸纂酒已至昏醉乘步輓車將超等游于內至琨華堂東閣車不得過纂親將寶川駱騰倚劍於壁推車過閣超取劍擊纂纂下車擒超超刺纂洞胸奔于宣德堂川騰與超裕戰超殺之纂妻楊氏命禁兵討超杜尚約兵舍杖將軍魏益多人斬纂首以徇曰纂違先帝之命殺害太子死耽酒獵昵近小人輕害忠良以百姓爲草芥番禾太守超以骨肉之親懼社稷顛覆已除之矣上以安宗朝一爲太子報仇凡我士庶同茲休慶僞巴西公呂隴四公呂緯時在北城

或說緯曰超陵天逆上士衆不附明公以懿弟之親投戈而起妾紀焦辨在南城楊桓出誠在東苑皆我之黨也何慮不濟緯乃嚴兵謂他曰隆超弒逆所宜擊之昔田恒之亂孔子鄰國之臣猶抗言于哀公況今蕭牆有難而可坐觀乎他將從之他妻梁氏止之曰緯超俱兄弟之子何爲舍超助緯而爲禍首乎他謂緯曰超事已立據武庫擁精兵圖之爲難且吾老矣無能爲也超聞而登城告他曰纂信讒言將滅超兄弟超以身命之切且懼社稷覆亡故出萬死之計爲國家唱義叔父當有以

亮之超弟邈有寵於緯說緯曰篡殘國破家誅戮兄弟
臣超此舉應天人心正欲尊立明公耳先帝之子明
公爲長四海顯顯人無異議隆超雖不達臧否終不以
孽代宗更圖異望也願公勿疑緯信之與隆超結盟單
馬入城超執而殺之初篡嘗與鳩摩羅什篡殺羅什子
曰斫胡奴頭羅什曰不斫胡奴頭胡奴斫人頭超小字
明奴竟以殺篡篡在位三年以元興元年死隆旣篡位
偽謚篡一號皇帝墓號白石陵

隆字永基元弟寶之子也美姿貌善騎射光末拜北部

護軍稍遷領位有聲稱超旣殺篡讓位於隆隆有難色
超曰今若乘龍上天豈可中下險以安帝元興元年遂
僭即天王位超先於番禾得小鼎以爲神瑞大赦改元
爲神鼎追尊父寶爲文皇帝母衛氏爲皇太后妻楊氏
爲皇后以弟超有佐命之勲拜使持節侍中都督中外
諸軍事輔國大將軍司隸校尉錄尚書事封安定公隆
多殺豪望以立威名內外踴然人不自固魏安人焦朗
遣使說姚興將姚碩德曰呂氏因秦之亂制命此州自
武皇棄世諸子競尋干戈德刑不殘暴是先饑饉流

亡死者大半唯泣訴昊天而精誠無感伏惟明公道遠
前賢任尊分陝且兼弱攻昧經略此方救生靈之沉溺
布微政于玉門篡奪之際為功不難遣妻子為質碩德
遂率眾至姑臧其部將姚國方言於碩德曰今懸師三
千後無繼援師之難也宜矐勁鋒示其威武彼以我遠
來必決死距戰可一舉而平碩德從之呂超出戰大敗
追還隆收集離散嬰城固守時炎或犯帝座有羣雀闕
于太廟此者數萬東人多謀外叛將軍魏益多又唱動
羣心乃誅我隆起事發誅之死者三百餘家於是羣臣

表求與姚興通和隆弗許呂超誅曰通塞有時艱素相
襲孫權出身於魏譙周勸主迎隆豈非大丈夫哉勢屈
以也天錫承七世之資樹恩百載虜旅十萬謀臣盈朝
秦師臨境識者導以見機而後諫自專社稷為墟前鑿
不遠我之元龜也何惜尺書單使不以危易安且令卑
辭以退敵然後內脩德政廢興由人未損大略隆曰吾
雖常人屬當家國之重不能嗣守成基保安社稷以太
祖之業委之於人何面目見先帝於地下超曰應龍以
出伸為靈大人以知機為美今連兵積歲資儲內盡疆

寇外逼百姓嗷然無胡口之寄假使張陳韓白亦無如
之何陛下宜思權變大綱割區區常慮苟一世有期不
在和好若天命去矣宗族可全隆從之乃請降碩德表
隆爲使持節鎮西大將軍涼州刺史建康公於是遣母
弟愛子文武舊臣慕容筑楊穎史難閻松等五十餘家
資于長安碩德以還姚興謀臣皆曰隆藉伯父餘資制
印河外今雖飢窘尚能自支其將來豐贍終非國有涼
州險絕其難允違道清後順不如因其飢弊而取之興
乃遣使觀虛言其沮渠蒙遜代隆隆擊敗之蒙遜請

大三百七十八

通二心載史卷五

二百四

鮑陳

和結盟必設萬斛以賑飢人姬臧穀價踊貴斗直錢
五千文人相食餓死者十餘萬一城門書閉樵採路絕
百姓請出城乞爲夷虜奴婢七日數百隆懼沮動人
情盡坑之於是十日尸盈于衢路禿髮傳檀及蒙遜頻來
伐之隆以二寇之逼也遣超率騎二百多齎珍寶請迎
于姚興興乃遣其將齊難等步騎四萬迎之難至姑臧
隆素車白馬迎于道旁使呂胤告光廟曰陛下往運神
略開建西夏德被蒼生威振遐裔枝嗣不臧迭相篡弒
二虜交逼將歸東京謹與陛下奉訣於此歡歎慟泣酸

感興軍隆率戶一萬隨難東遷至長安興以隆為散騎
常侍公如故超為安定太守文武三十餘人皆擢叙之
其後隆坐與子弼謀反為興所誅口先以孝武太元十
二年定涼州十五年僭立至隆凡十有三載以安帝元
興三年滅

軍記卷八

天九十

通志卷

五

一百五

志一百九十

五善

